

摘藻堂四庫全書薈要

集部

欽定四庫全書薈要

集部

御定歷代賦彙卷六十一

詳校官候補通政司經歷臣郭祚熾

欽定四庫全書薈要卷一萬七千二百八十

集部

御定歷代賦彙卷六十一

文學

春秋經傳類對賦

有序

宋 徐晉卿

雜錄
合卷帙繁多顧茲謏聞難以殫記乃於暇日撰成錄賦

一篇凡一百五十韻計一萬五千言欲包羅經傳牢籠
善惡則引其辭以倡之欲錯綜名跡源統起末則簡其

句以包之欲按其典實故表其年以證之欲循其格式故比其韻以屬之首尾貫穿十得其九命曰春秋經傳類對將使究其所窮可以尋其枝葉舉其宏綱可以撮其樞要也其間立意迂濶措辭鄙野不尚華而背實但慮涉於淫競不摘詭以挾竒又懼傷夫名教故用藏於巾行以自備於檢尋傳之昆雲而俾謹乎誦習非敢流布聖旦昭示鉅儒以為哂噓之資也

運及姬世天生仲尼修魯國之史策遵周公之典彝莫

不編年示法繫日摘辭左丘明傳之釋義杜元凱注之

質疑十二公之事言用傳後世五十條之凡例式據前

規有惠夫人實生桓子當平王遷都之末是隱公即位

之始乃有樂伯獻麋宣公十年郤至奉豕成公十年許絕太

岳之裡隱公十年鄭廢泰山之祀隱公八年帥師入極譏無駭

克勝之由隱公二年求好於邾貴儀父會盟之美隱公元年問族

衆仲隱公八年詢名申繻桓公六年子駟請息肩於晉襄公二年荀息

謀假道於虞僖公二年天棄商而久矣僖公十二年神亡虢以宜

乎莊公三年宋昭滅宗知庇根之失所文公七年鄭莊寵弟慮

滋蔓以難圖隱公九年貴有常尊宣公十年禮有異數莊公十年

石尚歸脤定公十年齊桓拜胙僖公九年向戌尤孟獻之美室

襄公十年五年韓宣譽季孫之嘉樹昭公二年解龜而鄭國以亂宣公

四年更鷺而齊臣致怒襄公二年魯築王姬之館外禮彌尊

元年莊公晉為太子之城內讒益固莊公二年蛇妖禍鄭莊公十四

年豕怪害齊莊公八年強鉅不能衛足莊公十年鄧侯徒後噬

臍莊公六年晉逐楚於潁北宣公十年魯追戎於濟西莊公十年施

氏沉卻犍之子

成公十一年

鄭人奪堵狗之妻

襄公十五年

姜氏

搆謀軌死歸於魯國

桓公十八年

子比脅立靈王失於乾谿

昭公十三年

鄭息違言

隱公十一年

齊楚結好

成公九年

晉荀躒掩耳

而走

昭公三十一年

渾良夫被髮而譟

哀公十七年

或駮乘以持帶

襄公二十三年

或塞井而夷竈

成公十六年

靈見梗陽之巫

襄公十八年

寬生萑苻之盜

昭公二十年

掩義隱賊驩兜招渾敦之稱

文公

十八年

毀信廢忠共工得窮竒之號

同上

伯有強死

昭公七年

鄭

莊寤生

隱公元年

越椒有熊虎之狀

宣公四年

伯石是豺狼之聲

昭公二十八年與袂衣者表守國之意閔公二年獻縞紵者伸結友

之誠襄公二十九年虞公奔彼共池因求寶劍桓公十年得臣敗於

城濮為惜玉纓僖公二十八年晉城虎牢襄公二年魯築鹿囿成公十八

年婦姜貴聘而賤逆文公四年鄭忽先配而後祖隱公八年魯賄

荀偃也以壽夢之鼎襄公九年周分唐叔也以密須之鼓

定公四年楚王伐畔降許子於武城僖公六年晉侯問囚稅鍾儀

於軍府成公九年士會滅狄宣公十年甘歆敗戎文公十年獻六

羽而用六佾隱公五年節八音而行八風同叔仲帶竊其拱

璧襄公三魯陽虎納以大弓定公雖未獲一吉人行父

則庶幾免戾文公十而能流四凶族重華則其有成功

同晉疆戚田文公魯略棠地隱公秦鍼之適晉也車有

千乘昭公元年共叔之都京也城過百雉隱公元年鄭子產善相

小國昭公四年楚商臣能行大事文公韓厥奉觴而加璧因

遇齊侯成公二年卻至免胄以趨風蓋逢楚子成公十鄭莊

有禮隱公十齊襄無常莊公蛇乘龍而為災於宋鄭襄

二十水勝火而不利於子商哀公虢公無德而祿閔公

楚圍不義而強

昭公元年

鄧曼婦人知莫敖之必敗

桓公十三年

然明君子識程鄭之將亡

襄公二十四年

魯鑄林鐘

襄公十九年

唐

分姑洗

定公四年

周内史知文伯有後

文公元年

季文子謂齊侯

不免

文公十五年

鄭國之井埋木刊

襄公二十五年

郟瑕之土薄水

淺

成公六年

胥臣稱郟缺之善命以先茅

僖公三十三年

士伯舉桓

子之賢賞以瓜衍

宣公十五年

莫敖梁澆

莊公四年

艾獵城沂

宣公

十一年 穎考叔挾輶以走

隱公十一年

魯莊公傳乘而歸

莊公九年

吳有越若腹心之搆疾

哀公十一年

虞得號猶脣齒之相依

僖公五年

楚國子文既毀家而紓難

莊公三年

宋邦公子遂竭

粟以貸饑

文公十年

商臣忍人

文公十年

狼曠君子

文公二年

杞生

圍兮歌南蒯之叛

昭公十年

莠在門兮喻良霄之死

襄公三十年

年狐毛設其二旆

僖公二十八年

文王獲其三矢

宣公四年

曹太子

樂奏而歎也未免有憂

桓公九年

宋元公酒樂而泣焉誠知

必死

昭公二十五年

隕霜殺菽

定公元年

雨電為災

昭公四年

子產殂而

仲尼出涕

昭公二十年

太叔卒而趙簡甚哀

定公四年

晉寘衛侯

於深室

僖公十八年

秦舍晉君於靈臺

僖公十五年

蔡昭侯兩佩

兩裘已為怨府

定公三年

卻子惡五兵五甲更作禍胎

昭公二十年

七年裨諶能謀

襄公三十一年

叔向好直

襄公二十九年

楚滅江也秦伯

為之出次

文公四年

越圍吳也趙孟降於喪食

哀公二十年

因龍

命氏蔡墨陳劉累之宗

昭公二十九年

以烏名官郟子述金天

之職

昭公十七年

衛人饋錦

昭公二十年

宋公求珠

哀公十一年

塞夷

庚而絕晉

成公十八年

城州來以挑吳

昭公十九年

楚侍者知擠

於溝壑

昭公十三年

絳縣師辱在於泥塗

襄公三十年

藥盈過周

既思父厲之過

襄公二十一年

華耦盟魯特陳祖督之辜

文公十五年

年大官庇身

襄公三年

舊職展體

定公四年

轅頗之奔鄭也既

進其服脯

哀公十年

葛盧之朝魯也又饋以芻米

僖公二十年

晉軍風于澤

僖公二十年

鄭車債于濟

隱公三年

鄭饗楚子爰伸

九獻之儀

僖公二十二年

秦饋晉侯乃用七牢之禮

僖公二十五年

秦

人入郟

文公五年

楚國圍江

文公三年

戎昭果毅

宣公二年

民生敦龐

成公十六年

荀吳圍鼓而鼓人服

昭公十五年

晉侯伐原而原國

降

僖公二十五年

棟折榱崩子產心憂于鄭國

襄公三十一年

踊貴屨

賤晏嬰相語于晉邦

昭公三年

歲害烏帑

襄公二十八年

辰伏龍尾

僖公五年

頓子牂事晉而背楚

定公十四年

悼夫人瘠魯以肥杞

襄公二十九年

克黃得楚子以賜生

宣公四年

士燮使祝宗而祈死

成公十七年

僞如已獲宣伯由是以旌功

文公十一年

陽州既降

苦越因之而名子

定公八年

季隗就木

僖公二十三年

懷贏奉匱

同上

先軫怒兮不顧而唾

僖公三十三年

齊侯戰兮不介而馳

成公二年

公子啓五辭楚位

襄公六年

鄧養甥三逐巴師

桓公九年

楚國爭

囚上下手予以決矣

襄公二十六年

魯邦議戰小大獄由是明

之莊公十年

荀偃痺疽

襄公十九年

晉侯惑蠱

昭公元年

或駭絰而止

桓公三年或奮動而鼓桓公五年髮之短者齊欲勝吳襄公十一年鬣鼠

之長者楚仍夸魯

昭公七年

伯禽始封于魯國土田陪敦

定公

四年蚡冒肇啓于楚邦筭路藍縷

宣公十三年

秦伯改館

僖公十五年

年晉侯加籩

昭公六年

穆叔辭金奏之樂

襄公四年

郤至驚地室

而縣

成公十二年

神奪虢公之鑿

僖公二年

天假晉侯之年

僖公二十年

八年箕之役先軫黜于狼曠

文公二年

夷之蒐賈季戮于臯駢

文公六年

許悼告終仲尼加世子之罪

昭公十九年

晉靈被弑董

狐書趙盾之愆

宣公二年

祀有執膳戎有受脤此養神之節

也則劉康公之言可準

成公十年三年

聘而獻物朝而獻功此

事霸之禮也則孟獻子之言堪崇

宣公十年四年

七札夸由基

之射

成公十年六年

六鈞傳顏高之弓

定公八年

晉侯治兵于絲上

襄公十年三年

闕止失道于弇中

哀公十年四年

魯封須句念實司于

太皞

僖公二十一年

楚滅夔子因不祀于祝融

僖公二十六年

魏犇東

胷

僖公二十八年

楚王傷目

成公十年六年

華臣弱皋比之室

襄公十年七年

子重殺巫臣之族

成公七年

伊戾讒兮宋痊死

襄公二十六年

無極

譖兮朝吳逐

昭公十年五年

晉獻將廢于太子衣以偏衣

閔公二年

魯昭欲寵于家羈賜之輕服

昭公三年

伯宗避重

成公五年荀

吳驅衝

昭公十年

臧文仲宿于重館

僖公三十一年

叔孫豹食于

庚宗

昭公四年

子干食百人之餼

昭公元年

桓子獲千室之封

宣公

十五年

楚王浹辰克莒

成公九年

齊侯三日取龍

成公二年

歲在豕

韋萇弘識蔡侯之禍

昭公十一年

星出婺女裨竈知晉國之

凶

昭公十年

屠伯饋羹

昭公十三年

考叔舍肉

隱公元年

賜魏絳以金

石之樂

襄公十年

命士會以黻冕之服

宣公六年

子產之為

鄭政也田有封洫

襄公十年

趙武之相晉國也民無謗讟

昭公 鄭由子突三覆既殪于戎師隱公九年晉用賁皇四萃

更敗于王族襄公二十六年伯有公怨襄公二十七年季子私言成公八年

趙宣子秣馬蓐食文公七年僖負羈寘璧盤餐僖公二十三年封菲

不遺于下體僖公三十三年葛藟能庇其本根文公七年不虞制人

坐見燕師之敗隱公五年無謂邾小行聞魯卒之奔僖公十二年

城彼緣陵僖公十四年盟于曲濮定公八年潘崇掌環列之尹文公

元 趙盾為旄車之族宣公二年鄭之火也出新客而禁舊客

昭公 十 宋之災也徹小屋而塗大屋襄公九年衛獻公與言

于孫子不釋皮冠

襄公十年

鄭子產將見于晉侯乃加戎

服

襄公二十五年

楚子汰侈

昭公元年

文王惠和

昭公四年

蔡昭侯沈玉

而誓漢

定公三年

晉文公投璧而盟河

僖公二十四年

申包胥倚牆

而哭

定公四年

齊莊公拊楹而歌

襄公二十五年

棄甲復來念宋謳

之頗衆

宣公二年

守陴皆哭傷鄭難以滋多

宣公十二年

政在務

三

昭公七年

國不堪貳

隱公元年

虞貪屈產之乘

僖公二年

晉受鄭人

之

四僖公十五年

錦二兩子猶受申豐之貨

昭公二十六年

珠一簞

趙孟得吳王之賜

哀公十年

藥鍼執榼以承飲

成公十六年

魯

侯申宮而做備

同

祁奚稱善不避親而不避讎

襄公三年魏

舒舉賢以為忠而以為義

昭公二十八年

衛多君子

襄公二十九年禹

稱善人

宣公十六年

夫差三年而報越

定公十四年

長萬一日而

至陳

莊公十二年

鳥獸之肉不登俎

隱公五年

蘋蘩之菜可薦神

隱公三年

築室反耕楚衆而惟將守宋

宣公十五年

裹糧坐甲晉

人而且欲擊秦

文公十二年

孟明焚舟

文公三年

繞朝贈策

文公十三年

年楚城陳蔡

昭公十一年

晉滅虞虢

僖公五年

莒子之城已惡

成公

年八慶封之車甚澤

襄公二十八年

郤犇傲而取禍

成公十四年

觀虎

勇而見獲

定公三年

賂以紀甌齊將致于晉侯

成公二年

樽以魯

壺周用享于文伯

昭公十五年

宋佐後至

昭公四年

州綽先鳴

襄公

二十一年襄仲殺嫡而立庶

文公十年

季札哀死而事生

昭公二十

七年杞子掌北門之管

僖公十二年

屈罷簡東國之兵

昭公十四

楚聞倚相之譽

昭公十二年

晉推董史之名

宣公二年

竊藏而逃

頭須有納君之志

僖公二十四年

握節而死于印無廢命之誠

文公八年御廩延災

桓公十四年

宣榭遘火

宣公十年

狂狡失禮而

違命

宣公二年

晏子去否而獻可

昭公二十年

雖陽貨而願東

定公

九年 且楚人之尚左 桓公八年 安于祀廟趙孟感于前勲 定公十四年

年 煬公立宮季孫免于後禍 定公元年 郭榮扣馬 襄公十年 衛

獻射鴻 襄公十四年 杞國用于夷禮 僖公二十七年 伊川變于戎風

僖公二十二年 周襄王不忍小忿 僖公二十四年 宋華元且多大功 成公

十五年 幄幙九張于產適宜而相鄭 昭公十年 革車千乘魯

昭習武以蒐紅 昭公八年 莫教趾高 桓公十年 楚王心蕩 莊公四年

晉士會問穀蒸之禮 宣公十年 周公閱辭昌歎之饗 僖公三十年

年 二五耦諧于申生 莊公二十八年 十一宰享于士鞅 昭公二十一年

叔魚鬻邢侯之獄足顯貪婪

昭公十四年

皇戌攝鄭伯之辭

可知邪枉

成公四年

邾悼朝魯

襄公二十八年

孟獻聘周

宣公九年

公孫

彊以田弋而說曹伯

哀公七年

晏平仲以和羹而諫齊侯

昭公

二十一年單頃公同盟雞澤

襄公三年

鄭子然侵取犬丘

襄公元年

衛

獻啓服之馬

昭公二十九年

楚獲余皇之舟

昭公十七年

武有孟津

之誓

昭公四年

成有岐陽之蒐

同上

圍原命三日之糧用彰有

信

僖公十五年

搞秦備一夕之衛又見多謀

僖公三十三年

魚里觀

優

襄公二十八年

楚宮振萬

莊公二十八年

狄有五罪

宣公十五年

楚有六

間

成公十年

子常賄而信讒

昭公十七年

楚王汰而復諫

昭公四年

文公施三罪而服晉克慎邦刑

僖公二十八年

魏絳陳五利而

和戎用蠲國患

襄公四年

晉殺狐突

僖公二十三年

楚滅慶封

昭公四年

闔廬居不重席

哀公元年

伯有飲必擊鐘

襄公三十年

封伯禽以

殷民七族

定公四年

分唐叔以懷姓九宗

同上韓原敗師

晉惠

復諫而違卜

僖公十五年

楚丘封國衛文務材而訓農

閔公二年

夷吾奔梁

僖公六年

子囊伐鄭

襄公八年

智伯愎而好勝

哀公十七年

樊須弱而用命

哀公十一年

雖夫婦以為賓

僖公三十三年

亦男女

之辨姓襄公二年命絳老作乎縣師襄公三年使敬仲為之

工正莊公二十二年太叔對禮于趙鞅始辨禮儀昭公二十五年國僑

問政于然明方知政令襄公二十五年物莫兩大莊公二十二年事無

二成成公八年歌詩則齊有異志襄公十六年吹律則楚多死聲

襄公十八年聽衛則憂而不困襄公十九年歌魏則儉而易行同

隨會有足使之智文公三年魏萬有必大之名閔公元年司徒

妻與之石窳成公二年新築人請以繁纓同韓起貪淫求玉

環子子產昭公十六年晉侯讒惑賜金玦于申生閔公二年敬仲

辭卿

莊公二十二年

國僑讓邑

襄公二十六年

子羽銳敏

哀公十一年

邾莊

卞急

定公三年

將欲修而車賦

襄公八年

必在險其走集

昭公二十三年

雖行李之往來

僖公三十年

亦鼓譟之出入

成公五年

慶封好田

而嗜酒坐見憂生

襄公二十八年

齊侯棄好而背盟行知禍及

襄公十八年

宋見星隕

僖公三十年

晉聞石言

昭公八年

莒展奪公子

之秩

昭公元年

齊侯斂大夫之軒

定公三年

子蕩以弓楛華弱

襄公六年

晉人以幕蒙季孫

昭公三年

南蒯而始以費叛

昭公十二年

年黑肱而終以濫奔

昭公十一年

桓子功而賞狄

宣公十年

趙

衰餒而處原

僖公二十五年

棄室而耕美季札之守節

襄公十四年

易位而令誚魏子之干尊

定公元年

救災恤鄰

僖公十年

取威

定霸

僖公二十七年

一則修陳而固列

成公十年

一則載燧而夙

駕

文公十年

莫不服冕乘軒

哀公十年

行爵食炙

同上

申生哀歸

胙之讒

僖公四年

合比被埋書之詐

昭公六年

楚子玉治兵之日

鞭者七人

僖公二十七年

晉文公報患之年退于三舍

僖公二十八年

世濟其美

文公十八年

天誘其衷

僖公十八年

無忌之有疾也讓

于韓起

襄公七年

宋穆之將死也屬于殤公

隱公三年

五星隕墜

而化石

僖公十年六年

六鷁退飛而遇風

僖公十年六年

衛旱討邢而

雨降

僖公十年九年

周飢克殷而年豐

同勝欲迫于宜僚承之

以劔

襄公十年六年

楚將優于郤至問之以弓

成公十年六年

魯作晉

脣

哀公八年

號為虞表

僖公五年

楚子問鼎形之輕重

宣公三年

衆仲

答羽數之多少

隱公五年

史趙言魯必為郊

昭公十年一年

伍員諫

吳其為沼

哀公元年

適乎宋野崩疇聞艾豕之歌

定公十年四年

戰

彼韓原秦伯獲雄狐之兆

僖公十年五年

陳畝如忘

隱公七年

邢遷

若歸

閔公八年

晉文公受戎輅之服

僖公二十八年

衛文侯衣大布

之衣

閔公二年

仲孫既省于魯難

閔公元年

秦伯又輸于晉飢

僖公

十三年

且陳衛之方睦

隱公四年

實晉鄭之馬依

隱公六年

晉臣貪

天之功人難競賞

僖公十四年

魯史諱國之惡誰敢爭譏

僖公

元年天生五材

襄公十七年

武有七德

宣公二年

郤至驟稱其伐

成公十六年

紀侯大去其國

莊公四年

子產掇螿尾之謗

昭公四年荀

息竭股肱之力

僖公九年

伯宗實好其直言

成公五年

展氏得

無于隱慝

僖公五年

烏鳴亳社非祥既告于伯姬

襄公三年

龍見絳郊達識更彰于蔡墨

昭公十九年

晉臣羈絅

僖公十四年

秦僕紀綱

同上

魯三桓獨季孫太盛

昭公五年

鄭七穆唯罕氏

後亡

襄公二十七年

子雅辭多受少

襄公二十八年

國僑就直助強

襄公

三十年

季平子行于東野

定公元年

衛莊公踰于北方

哀公十七年

會有常儀歸餼必致于地主

哀公十二年

取無正禮求車可

謂于天王

桓公十五年

遠罷匿情

襄公三十年

卻克分謗

成公二年周

重三恪之客

襄公十七年

宋輕千乘之相

襄公十五年

事順為臧

而逆為否

宣公二年

師曲為老而直為壯

僖公十八年

宮之竒

以其族行

僖公五年

宋茲父能以國讓

僖公八年

邾莊公車先五

乘雖取遺言

定公三年

宋文公椁用四阿更從厚葬

成公二年

去

疾莫如盡

哀公元年

樹德莫如滋

同上

周子兄謀非辨菽

成公十八年

鮑莊子知不如葵

成公十七年

魏顆敗秦師于輔氏

宣公十五年

士燮會吳子于鍾離

成公十五年

季孫樹于六榭

襄公四年

葛

盧辨于三犧

僖公二十九年

夾谷會時孔子相齊魯之禮

定公十年

大宮盟處晏嬰歆崔慶之辭

襄公二十五年

鄭伯先歸

昭公四年

孔

張後至

昭公十六年

渾良夫犯其三罪

哀公十七年

沈諸梁兼其

二事

哀公十六年

衛侯薄醜

僖公三十年

陳氏厚施

昭公二十六年

王師

敗于茅戎成公元年秦卒散于麻隧成公十年晉復公壻之封

文公八年齊歸汶陽之地成公二年通徵舒之母陳靈以無道遭

戕宣公十年納閭職之妻齊懿以不君見弑文公十年唐成弄

馬定公三年晉靈侯葬宣公二年乞術聘魯文公十年伯姬會洮莊公

二十七年宋怨澤門之哲襄公十年齊歌魯人之皋哀公二年見

惡如去草隱公六年逐寇如追逃文公七年穆有塗山之會昭公四年

康有鄆宮之朝同趙孟賦詩欲鄭邦之一獻昭公元年吳王

棄禮徵魯國之百牢哀公七年虢公之祖兮勲在王室僖公五年

原繁之先分典司宗祏

莊公十四年

毛伯賜魯文之命

文公元年

晉侯受公孫之策

昭公三年

楚國既烹于石乞

哀公十年

宋人

復醢于猛獲

莊公十二年

女寬歎食蓋欲悟于魏舒

昭公二十八年

考叔請羹實將施及鄭伯

隱公元年

祁奚請老

襄公三年

伯華得

官上趙鞅以鐵鑄刑鼎

昭公二十九年

季孫以鐘作公盤

襄公十二年

年樂王鮒請豹之帶

昭公元年

范獻子求婚之冠

昭公二十三年

呂

錡占退泥而射月

成公十六年

聲伯夢泣瓊而涉洹

成公十七年

楚圍取為掩之室

襄公三十年

鄭人斲子家之棺

宣公十年

晉有

秦憂為州兵而極急

僖公十年五年

魯多齊難作丘甲以謀安

成公元年彼高齎兮百兩一布

昭公二十年

此秦伯兮千乘三去

僖公十年五年楚軍右轅而左蓐

宣公十年二年

鄭師先偏而後伍

桓公

五年天王狩于河陽

僖公二十年

晉侯盟于踐土

同上

司馬牛致

珪而適齊

哀公十年四年

蕩意諸效節以奔魯

文公八年

楚金欲鑄

于三鐘

僖公十年八年

晉鐵乃賦于一鼓

昭公二十年

秦伯素服而

迎明視既以知臣

僖公三十年

叔武捉髮而逆衛侯亦惟戀

主僖公二十年

聲子斬鞅

昭公二十年

伯棼汰輶

宣公四年

莒人滅鄆

而鄆恃賂

襄公六年

齊侯滅萊而萊恃謀

同上

戟鈞藥樂之肘

襄公二十三年

戈椿長狄之喉

文公十一年

太叔之奔共也故曰共

隱公元年

晉侯之納鄂也謂之鄂侯

隱公六年

天道遠而人道

昭公十一年

家量貸而公量收

昭公三年

贖華元者以百駟之

宣公二年

搞秦師者以十二之牛

僖公二十三年

能禮國人宋鮑

得親賢之道

文公十六年

不毀鄉校國僑知議政之由

襄公三十

一穆子投壺

昭公十二年

齊侯舉矢

同上

或擇善而舉

襄公二十九年

或類能而使

襄公九年

既哀樂而樂哀

昭公二十五年

亦喜憂而憂

喜宣公十年胥童以甲劫藥書成公十年越俘以刀弑吳子

襄公二十九年魯昭之出在季孫昭公十五年衛獻之政由甯氏襄公

二十六年季友念原仲之舊葬禮非焉莊公二十七年韓起結田蘇

之遊立之可矣襄公七年登車望陣成公十年馮軾觀兵僖公二十八年

楚幕空而棲烏樂莊公二十八年齊師遁而班馬鳴襄公二十八年寺

人柳熾炭于位昭公十年晉士為寘薪于城僖公五年文辭何為

謂子朝之干命昭公二十六年名器不假惜仲叔之貪榮成公二年

生而有文僖公元年死而不朽襄公十四年晉文公朝以受策僖公

二十八年 楚平王拜而厭紐昭公十年 荀偃親受矢石襄公十年 重

耳躬擐甲冑

成公十年

叔弓卒而魯廟去樂

昭公十年

荀盈

死而晉侯飲酒

昭公九年

魯穆姜辯而不德

襄公九年

宋共姬女

而不婦

襄公三十年

幾先楚使雖知乎鄭昭宋聾

宣公四年

釁

始齊臣但見乎崔薄慶厚

襄公二十七年

魯熟雉門

定公二年

齊饋

魚軒

閔公二年

曹人致餼之禮

桓公十四年

宣伯餽穀之恩

成公五年

秦晉匹而夫婦正

僖公二十三年

姬姑耦而子孫蕃

宣公三年

獲雉

而賈妻始笑

昭公十八年

生子而息媯未言

莊公十四年

男有室

而女有家彝儀豈紊

桓公十年

公當享而卿當宴縟禮斯

存

宣公十年

晉似瘠牛

昭公十年

秦如倚鹿

襄公十年

背盟孔

達

宣公十年

歸罪先穀

宣公十年

魯侯被殯而禭

襄公二十年

子

家易幾而哭

定公元年

宣子田于首山

宣公二年

魏舒獵于大陸

定公元年

鄭厲入而遂殺傅瑕

莊公十年

衛衎歸而乃讓太叔

襄公二十六年

楚子觀兵于周疆

宣公三年

成王定鼎于郊鄆

同鞍

師既克范子宣散矜功

成公二年

晉賞雖行介子推未嘗

言祿

僖公二十四年

螽當秋出

宣公十年

蜃自冬生

同上

車裂觀起

襄公二
十二年 潘載藥盈
襄公二
十三年 卻宛卒兮楚國謗
昭公二
十七年 良

霄死兮鄭人驚
昭公
七年 雨入高魚之竇
襄公二
十六年 水灌徐子之

城
昭公三
十三年 不知貽譏臧文仲山節藻稅
文公
二年 非儀致誚

魯莊公刻桷丹楹
莊公二
十四年 侏儒敗邾
襄公
四年 于思囚鄭
宣公

二
年 宋左師簡而禮
昭公
元年 樂王鮒字而敬
昭公
元年 晉侯背大

主而忌小怨
僖公
十年 魏戊有守心而無淫行
昭公二
十八年 曲梁

之役揚干由是以亂行
襄公
三年 城濮之師祁瞞于焉而奸

命
僖公二
十八年 文王用衆
成公
二年 楚兵逮鯨
同
魯定築蛇淵之

定公十年 臧紇斬鹿門之闕襄公二十三年 處父有侵官之罪

文公六年 藥書無離局之姦成公十年 畢氏後占名冠萬民之

數閔公元年 成季先卜位參兩社之間閔公二年 慶克蒙衣成公十七年

年 楚子投袂宣公十四年 晉惠公惰于受瑞僖公十一年 楚越椒

傲于執幣文公九年 鄭伯之弟不義隱公元年 周子之兄無慧成公十八年

年 登于三量齊民歸陳氏之施昭公元年 餽彼一鍾鄭國

感于皮之惠襄公二十九年 楚氛甚惡襄公二十七年 魯祲非祥昭公十五年

年 文伯豫知于鄭火昭公六年 裨竈先見于陳亡昭公九年 楚靈

王殉以二女

昭公十年

秦穆公殲以三良

文公六年

雖晉國之

薦饑且將乞糶

僖公十年

奈魯邦之大旱便欲焚厓

僖公二十年

一兩釋纍囚

成公三年

三肅使者

成公十年

鄭黑肱黜官而薄

祭襄公二十二年

遠子馮無祿而多馬

同上

仲由為季氏之宰將

墮三都

定公十年

昭公孫齊侯之邦請致千社

昭公二十五年

蒐

乘補卒

成公十年

深壘固軍

文公十年

子皮為鄭國棖棟

襄公

三十一年陳氏作齊邦斧斤

哀公十年

鐘紀魯侯之伐

襄公十年

鼎銘考父之勲

昭公七年

庚宗婦人執雉獻于穆子

昭公四年楚

邦公子用馬見于鄭君

昭公六年

神既福仁

成公五年

天寧假易

桓公十三年

周歸仲子之賄

隱公元年

秦贈成風之襚

文公九年

叔向

謀而鮮過

襄公二十一年

吳王度不失事

襄公三十一年

韓之役穆姬

乞歸于晉君

僖公十五年

穀之敗文嬴免囚于秦帥

僖公二十三年

得一夫而失一國

莊公十二年

除三惡而加三利

昭公十四年

楚

囚操樂既不忘于楚音

成公九年

鄭卿賦詩且不出于鄭志

昭公十六年

子木庀賦

襄公二十五年

齊侯省刑

昭公三年

辰主商丘之

地昭公元年參為夏土之星

同上

伍員諫吳而滅越

哀公元年

管仲

請齊而救邢

閔公元年

晉荀偃卒而猶視

襄公九年

楚成王謚

而乃暝

文公元年

允當則歸楚子備知于軍志

僖公二十八年

見可

而進士會先達于武經

宣公十二年

趙孟語偷

襄公三十一年

華元

言疾

成公十五年

齊慶封與盧蒲易內

襄公二十八年

晉祁勝共鄔

臧通室

昭公二十八年

季文子無藏金玉

襄公五年

孫文子不聽琴

瑟

襄公二十九年

獻俘授馘當晉侯克楚之年

僖公二十八年

訓卒利

兵是趙盾敗秦之日

文公七年

祝幣史辭梁山崩兮用以行

禮

成公五年

貶食省用魯邦旱兮因以垂規

僖公二十一年

向戌請

免死之邑

襄公二十七年

孟明慙拜賜之師

文公二年

睥其目而瞞

其腹

宣公二年

食其肉而寢其皮

襄公二十一年

虞公貪垂棘之璧

僖公二年

臧會竊倮句之龜

昭公二十五年

掉鞅而還乃樂伯致師

之際

宣公十二年

棄甲而復是華元敗卒之時

宣公二年

楚人獻

龜

宣公四年

曹彊獲鴈

哀公七年

甯喜擅權兮衛侯病

襄公二十七年

祭

仲專政兮鄭伯患

桓公十五年

陳邦之公卿宣淫

宣公九年

魯國

之君臣多間

哀公二十七年

秦慙殺戰蓋違蹇叔之言

僖公三十三年

宋敗泓師罔取子魚之諫

僖公二十二年

囊瓦城郢

昭公二十三年

季

然郭卷

昭公二年十五年

鄭作丘賦

昭公四年

陳稅封田

哀公十一年

晉師

館穀三日

僖公二十八年

周城勤戍五年

昭公三十二年

子桑舉孟明

之善

文公三年

鮑叔稱管仲之賢

莊公九年

鄭伯立勲受惠王之

鞏鑑

莊公二十一年

于奚著績請桓子之曲縣

成公二年

被吾甲兵

桓公六年

戒爾車乘

僖公二十八年

車既陷淖

成公十年六年

馬因還瀆

僖公

十五年

公鉏恪居于官次

襄公二十三年

孟明增修于國政

文公二年

穆姜再拜謝文子之賦詩

成公九年

晉侯三辭感天王之策

命僖公二十八年

子都拔棘

隱公十一年

許伯靡旌

宣公十年

子家懷

魯以及禍

宣公十年

重耳安齊而敗名

僖公二十三年

嬰齊魯之

常隸

成公十年

趙盾晉之正卿

宣公二年

知伯怒而投机

襄公十年

叔孫惡而指楹

昭公元年

帥甲而來晉欒盈晝入絳邑

襄公二十年

三命車以至鄭子展宵突陳城

襄公二十五年

晉將裂田

哀公四年

魯初稅畝

宣公五年

周郊之雞已斷尾

昭公十二年

魯廟之牛

還傷口

宣公三年

羈妻知異而饋重耳

僖公二十三年

成風聞繇而

事季友

閔公二年

齊之鼓也再而衰兮三而竭

莊公十年

晉之陳

也兩于前而伍于後

昭公元年

與隨為約楚王割子期之心

定公四年 共晉為盟涉佗拔衛侯之手定公八年 道人徇路襄公十四年

天子當陽文公四年 吳季札聘于上國襄公二十年 楚平王好于

邊疆昭公十四年 晉一戰而始霸僖公二十七年 紂百克而卒亡宣公

十二年 重耳文而有禮僖公二十三年 印段樂而不荒襄公二十七年 鄭

君行速而視流死期將至成公六年 秦使目動而言肆懼色

彌彰文公十二年 晉上狄俘宣公十五年 齊獻戎捷莊公三十一年 闔廬

傷指定公十四年 子鉏中頰定公八年 楚莊王有加惠之老宣公十二年

年 季文子無衣帛之妾襄公五年 齊婦人兮笑郤克之跛足

宣公十年

曹共公兮觀晉文之駢脅

僖公二十三年

李武子三分

公室益振僭名

襄公十年

晉悼公九合諸侯載興霸業

同上

郭書皙憤

定公九年

卻至韎韋

成公十年

賜晉侯以彤弓彤矢

僖公二十八年

分魯公以大路大旗

定公四年

秦為坎血以懷詐

僖公

二十八年

楚作京觀而示威

宣公十年

甯俞賂醫故衛侯之不

死

僖公三十年

侯孺貨筮致曹伯之復歸

僖公二十八年

蛇出泉宮

文公十六年

龍鬪洧水

昭公十年

子鮮誓不鄉衛國

襄公二十七年

公

治終不言李氏

襄公二十九年

叔孫烹狗以啖吏人

昭公二十三年

華

元殺羊而食戰士

宣公二年

龜長筮短獻公但納于驪姬

僖公

四年金寒玦離狐突空傷于太子

閔公二年

秋乃有葷

莊公十年

冬復多麋

莊公十七年

鞭之長不及于馬腹

宣公十五年

矢之利

乃麗于麋龜

宣公十二年

趙氏喻冬日夏日

文公七年

賓孟諷人

攝已攝

昭公十二年

楚軍之恩如挾纊

宣公十二年

衛邦之亂若

琴絲

隱公四年

擐甲執兵蓋郤克之遇敵

成公二年

入壘折馘乃

攝叔之致師

宣公二年

晉楚爭盟

成公元年

周鄭交惡

隱公三年

子皙信美

昭公元年

樂厲甚虐

襄公十年

伯有汰侈

襄公三十年

韓

起懦弱

襄公三十一年

郭重食言而乃肥

哀公二十五年

原伯不學而

將落

昭公十年

諫楚王而則足義見鬻拳

莊公十年

愛衛君

而滅親忠聞石碣

隱公四年

朱也當御

襄公二十六年

子國請承

哀公

十八年

矢及鼓附者嘉伯焚之絕藝

宣公四年

射中楯瓦者表

淵捷之殊能

昭公二十六年

觀卦筮陳完之吉

莊公二十二年

比爻占

畢萬之興

閔公元年

崇飾惡言少皞有窮竒之號

文公十八年

傲

狼明德顓頊得禱杙之稱

同上楚復封陳

宣公十一年吳其入

郟

昭公三十一年

封桓叔于曲沃

桓公二年

寘姜氏于城潁

隱公十年

彌

庸見姑蔑之旗

哀公十年三年

徐子賂甲父之鼎

昭公十年六年

隨不

量力方懷叛楚之謀

僖公二十年

魯能待時且折伐齊之請

莊公八年楚遂入鄆

成公九年

吳還伐郟

成公七年

晉趙穿有寵而弱

文公十年鄭曼滿無德而貪

宣公六年

文子賦韓奕之五

成公九年

穆叔拜鹿鳴之三

襄公四年

智井逃時無社昧麥麴之語

宣公

十二年首山登處叔儀明庚癸之談

哀公十年三年

拔本塞原

昭公

九年裂冠毀冕

同上

隨武子修晉國之法

宣公十年六年

孫叔敖擇

楚國之典

宣公十年二年

呂甥畏晉文之偏

僖公二十年十四年

后子懼秦

景之選

昭公元年

城濮之戰文公能以德攻

僖公二十八年

首止之

師祭仲信由知免

桓公十年

子羽請墜

昭公元年

國僑去壇

襄公

二十八年楚作僕區之法

昭公七年

晉為執秩之官

僖公二十七年

韓起

求玉環而拜子產

昭公十年

楚王去皮冠而見鄭丹

昭公十二年

年陳靈不君戲朝以夏姬之服

宣公九年

齊莊無道賜人以

崔子之冠

襄公二十五年

士匄乞盟

襄公三年

華元告急

宣公五年

陳

恒斲喪于公室

哀公十年

子木暴虐于私邑

哀公十年

鱣諸

魚中寘劔

昭公二十七年

韓厥馬前執紼

成公二年

晉朝周室斥彘

器之弗供

昭公十五年

齊涉楚郊責包茅之不入

僖公四年

雞鳴

而駕

宣公十二年

馬首是瞻

襄公四年

陳成子杖戈而衣製

哀公

二十七年晏平仲枕草而寢苦

襄公七年

晉文公好學不貳

昭公

十三年羊舌氏瀆貨無厭

同上

宋邦欲厚于文公葬加蜃炭

成公二年魯國將優于周閱享用虎鹽

僖公三十年

享有體薦宴

有折俎此周定王之儀也于以示恭儉慈惠之禮

宣公十六年

年小有述職大有巡功此遠啓疆之言也于以顯會同

朝聘之風

昭公五年

薦澤蘋于宗室

襄公二十八年

羞澗毛于王公

隱公三年歌鐘者鄭人所以賂晉襄公十年頌琴者穆姜所以送

終襄公二年施及莊公魯史美考叔之孝隱公元年立于趙武晉

人思宣孟之忠成公八年家父求車桓公十年晉侯請隧僖公二十

年解揚救宋國之難宣公十年丑父易齊君之位成公二年宋

公不王隱公九年士穀堪事文公二年鳥為宋得之吉哀公二十六年熊

見晉君之崇昭公七年請說以死利衛明孔達之誠宣公十年

將焉用生寧晉見安于之志定公十年魯侯視朔僖公五年梓

慎望氛昭公二十年周史相魯之二子文公元年范巫知楚之三

君文公闕鞏逮封于唐叔定公屬鏤賜死于伍員哀公

年石厚與州吁並遊旋聞禍及隱公伍舉偕聲子相善

驟致名聞襄公幸災不仁僖公阻兵無衆隱公趙

宣子之為政也董逋逃而由質要文公晉悼公之即位

也宥罪戾而節器用成公華元激城者之謳宣公子

產感輿人之誦襄公子重制義侵衛而楚卒盡行成公

二華耦備儀盟魯而宋官皆從文公晉修虞祀僖公

秦封殺尸文公南宮萬襄之犀革莊公公子偃蒙以

皋比莊公十年章禹斷髮而逆吳子昭公三年衛侯戟手而怒

褚師哀公二十五年子產對徵朝之事襄公十二年游吉荅送葬之

儀昭公三年楚平王禮新而叙舊昭公十四年單獻公弃親而用

羈昭公七年子羽知四國之為使修辭令襄公十一年趙孟觀七

子之志命賦聲詩襄公十七年向戌弭兵同上穆子崇卒昭公元年

趙孟翫歲而愒日同上申叔生死而肉骨襄公十二年衛之非

謀也與惡而弃好莊公十二年晉之非刑也同罪而異罰僖公

二十八年晉邦三郤既以怨而遭誅成公十七年衛國二子亦因

忠而見殺

僖公二十年

輿豸盟孔

哀公十年

燧象奔吳

定公四年鄭

賈人不厚誣君子

成公三年

范宣子乃淺為丈夫

襄公十年

弦子

恃姻而國滅

僖公五年

成虎懷寵而身誅

昭公十年

重耳對楚

而語無佞

僖公二十三年

知瑩歸晉而言不諛

成公三年

背施幸災

慶鄭發規于晉惠

僖公十年

阻兵安忍隱公驟問于州吁

隱公四年

子產遺愛

昭公二十年

叔向遺直

昭公四年

愛利民兮直

治國考叔純孝

隱公元年

石碯純臣

隱公四年

義事君兮孝奉親

晉大夫反首而拔舍

僖公十年

秦穆公登臺而履薪

同上齊

令管仲以問楚

僖公四年

晉使呂相以絕秦

成公十三年

師服異

晉仇之名誠深預辨

桓公二年

子囊謀楚共之謚令問昭陳

襄公十三年

惠伯令龜

文公十三年

姜氏問繇

襄公十年

畜老憚殺

宣公

四年獸困猶鬪

定公四年

熊繹則挑弧棘天

昭公十二年

伯輿則華

門圭竇

襄公十年

陳武子失弓而罵

昭公二十六年

重丘人閉門而

詢

襄公十七年

季文子馬不食粟豈是要君

襄公五年

衛懿公鶴

有乘軒卒難禦寇

閔公二年

楚子右廣

宣公十二年

鄭伯左孟

文公

十一年夷吾射鉤而使相

僖公二十四年

寺披斬祛而勿誅

僖公五年

單

靖公為王室卿士

襄公十年

晉士鞅乃公族大夫

襄公十年

魯

伯禽得封父之繁弱

定公四年

潁考叔取鄭伯之蝥弧

隱公十一年

年國子代人之憂自知連禍

昭公元年

臧孫于國之紀孰謂

無辜

襄公十二年

子產爭承

昭公十年

曹伯會正

文公四年

夏啓有

釣臺之享

昭公四年

商湯有景亳之命

同上

慶氏求專于陳國

襄公二十三年

國子實執于齊柄

哀公十年

薛由任姓會朝而既

許長滕

隱公十一年

魯本周宗班次而更聞後鄭

桓公六年

楚子

卒舊

成公十六年

州綽隸新

襄公二十一年

士為謀去于富子

莊公二十

三韓宣問寘于羈臣

昭公七年

潘黨率游闕四十乘

宣公十年

天王賜虎賁三百人

僖公二十八年

晉士會賤而有恥

文公十三年

鄭黑肱貴而能貧

襄公二十二年

臧文仲祀烏于魯門已稱不

知文公二年

季平子用人于亳社可謂非仁

昭公十年

發幣公卿

隱公七年

歸事宰旅

襄公二十六年

不有居者誰守社稷

僖公二十八年

不

有行者誰扞牧圉

同上

華父督逆目而送孔妻

桓公元年

魯莊

公割臂而盟黨女

莊公三十三年

孺子以景公為牛

哀公六年

臧紇

以齊侯比鼠

襄公二十三年

石碯愛子之說教以義方

隱公三年

狼

臧荅友之言未獲死所

文公二年

魯觀齊社

莊公二十三年

禘易許

田

隱公八年

晉師左實而右偽

襄公十年八年

楚軍後勁而中權

宣公

十二年

重耳踰垣而走

僖公五年

壽子載旌以先

桓公十年六年

終彼

歲星晉侯數魯襄之齒

襄公九年

算乎亥字史趙知絳老之

年

襄公三十年

魯初尚髻

襄公四年

晉始用墨

僖公十三年

齊侯毀關

而去禁

昭公二十年

楚王宥罪而舉職

昭公十三年

孔悝反柘于

西圃

哀公十六年

無極取貨于東國

昭公二十一年

燭之武夜見秦

伯備寫嘉謀

僖公三十年

鄆叔紇宵犯齊師驟宣巨績

襄公十七年

年唐侯駿馬定公三年慶封美車襄公二十七年臧哀伯規桓納鼎

桓公二年公子彊諫隱觀魚隱公五年邾隱公執高而容仰定公十五年

年單成公視下以言徐昭公十一年叔段興師繕甲兵而具

卒乘隱公元年卻縠謀帥說禮樂而敦詩書僖公二十七年晉乃虎

狼文公十年吳為蛇豕定公四年籍父而雖謂無後昭公十年惠

伯而且聞有子昭公十年鬻拳葬楚子于夕室莊公十年羽

父弑隱公子爲氏隱公十年楚城陳蔡既無宇以攸推昭公

年十一魯視邾滕亦叔孫之所恥襄公二十七年衛國褊小隱公四年

楚師輕寇

襄公二十六年

邾寄衛獻

襄公十四年

鄆居魯昭

昭公二十七年

慶封罔知于相鼠

襄公二十七年

華定不荅于蓼蕭

昭公二十年

晉

侯詢衛故于獻子

襄公十四年

叔向問鄭政于國僑

襄公三十年

犀兕尚多難荅宋謳之衆

宣公二年

馬牛不及敢辭楚地之

遙僖公四年毛伯求金

文公九年

子罕辭玉

襄公十五年

地動而南宮

震

昭公二十三年

日食而叔輒哭

昭公二十一年

衛侯與元咺爭訟

僖公

二十八年王叔共伯輿坐獄

襄公十年

欒枝有勇既起塵而曳柴

僖公二十八年

重耳多謀又益兵而伐木

同上

鄆人藉稻

昭公十八年

祭足取禾

隱公三年

邾文公之知命也訖須遷繹

文公十年

楚

昭王之知道也終不祭河

哀公六年

衛出公以弓遺子贛

哀公

二十六年東郭書以琴問弦多

哀公十一年

公子鮑美而豔

文公十六年

年楚郤宛直而和

昭公二十七年

晉惠公言多忌刻

僖公九年

孫文

子衡而委蛇

襄公七年

鏘鏘鳳凰協懿氏卜妻之兆

莊公二十二年

踈踈鸛鵒應魯侯去國之歌

昭公二十五年

宋元公惡而婉

襄公

二十六年太子痤美而很

同上

伯有侈而悞

襄公三十年

叔孫絞而

婉昭公元年子太叔惡能亢宗

同上

石悼子是謂燮本

襄公十九年

秦伯召于郤氏畏幣重而言甘僖公十年晉侯辭于頭須知

心覆則圖反

僖公二十四年

楚邲赫赫

襄公十年

宋國區區

襄公十七年

年

土功則日至而畢

莊公二十九年

祭事則龍見而雩

桓公五年孟

莊子為楸琴而示暇

襄公十八年

宋樂祁獻楊楯以貽辜

定公

六年韓厥立趙衰之後

成公八年

史駢送賈季之幣

文公六年臺駘

能業其官曾無僥倖

昭公元年

商人驟施于國實有覬覦文公

十四年叔儀乞糧

哀公十年

晉文受塊

僖公二十三年

伯有嗜酒

襄公

三十一年齊侯好內

僖公十七年

南史執簡以往

襄公二十五年

右師受

牒而退

昭公二十五年

巫臣教吳而乘車

成公七年

楚人碁晉而拔

旆

宣公十二年

授政子產鄭罕虎能用善人

襄公二十年

獻禮楚

王合左師善守先代

昭公四年

遂子蕩敏以事君

襄公二十七年

吳

夷昧德不失民

襄公三十一年

齊侯閉門而索客

成公十七年

高固

梁石以投人

成二年

行葦河酌昭忠信

隱公三年

潢汙行潦薦

鬼神

同上

閻田未歸天王興辭而責晉

昭公九年

楚師方急包

胥發哭以告秦

定公四年

執斲執鍼

成公二年

改步改玉

定公五年蹶

由犒楚師而被執

昭公五年

鬪廉諫子元而遭牾

莊公三十年

趙

武伐雍門之萩

襄公十年

士弱焚申池之木

同上子產獻楚

王六禮孰可規非

昭公四年

太叔語趙簡九言自堪導勗

定公

四年子展儉而壹

襄公二十六年

夏齧壯而頑

昭公二十三年

魯定公作

乎兩觀定公二年臧文仲廢乎六闕

文公二年

晉國求知瑩之反

三年魏人譟士會之還

文公十三年

宋公會邾執郟人于睢

社僖公十年

楚君滅蔡用太子于岡山

昭公十一年

五空卜郊

成公四年不視朔

文公十年魯公初獻于龍輔

昭公二十年

衛侯

新成于虎幄

哀公十年

乃有舜帝簫韶

襄公二十九年

文王象箭

同韓宣子觀于魯書昭公二年吳季札聽于周樂襄公二十九年卜

偃識號亡之兆可謂前知僖公二年叔興明齊亂之機允稱

先覺僖公十六年魯秉周禮閔公元年晉有堯風襄公二十九年楚令尹

改轅而北宣公十年鄭公子待命于東僖公三十年子產避游

氏之廟昭公十年季平益邱伯之宮昭公二十五年駸蔑雖言于

堂下昭公二十八年知瑩將寘于楮中成公三年齊侯稅管仲之囚

卒興霸業莊公九年秦伯赦孟明之罪果立殊功文公九年子臧

鷓冠僖公十四年郭書狸製定公九年成為孟氏之障定公十二年葉

作楚邦之蔽

昭公十年

匹嫡耦國者周有子儀之寵

桓公十年

年去順效逆者衛有州吁之嬖

隱公三年

書社五百乃齊侯

興衛之時

哀公十年

被練三千是楚子侵吳之際

襄公三年

楚

分二廣

宣公十年

晉作三行

僖公二十年

許男則面縛銜璧

僖公

六年鄭伯則肉袒牽羊

宣公十年

宮之竒為人太懦

僖公三年

陽

處父立性過剛

文公五年

蕩子山背族而既戮

成公十年

樂大

心賤宗而必亡

昭公二十五年

申侯專利而不厭既云獲戾

僖公

七年子皮飲酒而無度亦自貽殃

昭公七年

城郟遺忠

襄公十年

伐原示信僖公二十七年齊桓勞賜一級僖公九年晉侯出入三觀

僖公二十八年陳子行具其舍玉哀公十一年公孫夏歌其虞殯同上

齊師已遁空營聞鳥鳥之聲襄公十年鄭伐欲興列卒布

魚麗之陳桓公五年滕薛爭長隱公十一年秦晉交綏文公十二年孟

孫之惡臧紇也有同藥石襄公二十三年甯子之視衛侯也不

如奕棋襄公十五年晉易秦而敗績僖公十五年魯卑邾而敗師

僖公二十二年致大蔡兮請臧紇之邑襄公二十三年與拱璧兮求崔

子之尸襄公二十八年聘彼晉邦季文子豫求喪禮文公六年至于

楚國孟僖子不能相儀昭公七年戕舟發梁襄公二年抽戈結

衽成公十年趙旃則棄車而走宣公十年鮮虞則枕轡而寢

襄公二十五年周譙晉侯則桓鬯一卣僖公二十八年鄭享楚子則邊

豆六品僖公二十二年衛二禮殺國子滅族何多僖公二十五年晉三

郤譖伯宗害賢已甚成公十五年子顏樂禍莊公二十年鄭伯效

尤莊公二十一年梁山崩而晉邦恐成公五年桓宮災而魯國憂哀公

三趙衰以壺飧而從重耳僖公十五年甯俞以索饋而奉衛

侯僖公二十八年齊祭社而蒐軍實襄公十四年宋築臺而妨農收

襄公十七年 季梁在隨識楚子羸師之詐桓公六年曹劇謀魯知

齊人亂轍之由莊公十年晏平仲枕尸而哭襄公二十五年鄆魁壘閉

口而死哀公二十七年魯昭公不見于夫人昭公三十一年齊子元但

稱于已氏文公十四年楚王待食熊蹯文公元年衛人請執牛耳

定公八年 虎祁宮就叔弓賀于晉侯昭公八年章華臺成魯侯落

于楚子昭公七年商臣蠶目文公七年伯封承心昭公十八年魯叔姬

之反馬宣公五年鄭子皙之委禽昭公元年甯子弗祀于夏相僖公

三十一年 荀瑩不禱于桑林襄公十年魯既勝齊孟反抽矢而策

馬襄公十一年晉將救鄭張骼踞轉而鼓琴襄公二十四年斐豹焚

書襄公二十三年伯輿合要襄公三十年楚王使馱以奔問襄公二十八年伯

宗乘傳而赴召成公五年子洩逆勞于郊定公五年孟獻書勞于

廟襄公十三年樂伯致晉師之次左射以鼓宣公十年叔孫見

士伯之時右顧而笑昭公十四年靈聞晉厲成公十年妙見秦醫

同上汶陽者魯賜于季友僖公元年繇上者晉旌于子推僖公二十

四年鄭翩為鳶鶴之陳昭公二十一年魏莊納虎豹之皮襄公十四年號

驕則晉侯問罪莊公二十七年隨張則楚國興師桓公六年魯重葛

盧且加燕好之禮

僖公二十九年

鄭厚蔡子爰申廷勞之儀

襄公

二十八年宋老時羞

文公十六年

齊公日膳

襄公二十八年

厨人濮以裳

裏首

昭公二十一年

楚子西以袂掩面

哀公十年

伯封貪婪而無

厭

昭公二十八年

齊桓施舍而不倦

昭公十年

慶封受于朱方

襄公

二十八年

晏子辭于邺殿

同上

衛仲由赴難之日死猶結纓

哀公

十五年

祝佗父復命之時卒不說弁

襄公二十五年

魏顆結草

宣公

十五年

鉏麇觸槐

宣公二年

息侯犯五不韙

隱公十年

鄆舒有三

雋才

宣公十五年

魯國不棄周禮

閔公元年

晉邦實用楚材

襄公二十

六年 賁賁之鷄其謠也 豫傳于號滅僖公五年 譖譖之鳥其妖

也先告于宋災

襄公三十年

李氏介雞

昭公二十五年

衛侯祿鶴

閔公

二年 孛見而四國皆禍

昭公十七年

日食而二邦有惡

昭公十七年 梁

伯徒好于土功

僖公十九年

莒子不修于城郭

成公九年 鄭鄧析

用其竹刑

定公九年 晉魏舒去其柏椁

定公元年 周儋括足高視

躁已歎害成

襄公三十年

盧蒲嬖髮短心長更虞亂作

昭公三年

楚圍之威儀似君

襄公三十一年

子旗之志氣不臣

昭公二年 馮簡

子能斷大事

襄公二十一年

鞏簡公好用遠人

定公元年 况又赤雲

夾日哀公六年孛星入辰

昭公十七年

鄭伯始朝于楚

僖公十八年子

圍為質于秦

僖公十七年

晉侯遷于新田靡求塾隘

成公六年晏

子復其舊宅豈避囂塵

昭公三年

楚設前茅

宣公二年

晉疑衷

甲襄公二十七年

楚武王作荆尸之陳

莊公四年

晉文公為被廬之

法僖公二十七年

士為謂號將饑

莊公十七年

宮竒知虞不臘

僖公五年

賦車籍馬偉楚國之政成

襄公十五年

通商惠工知衛邦之

化洽閔公二年穆姜擇檀

襄公二年

臧妾織蒲

文公二年楚人望葉公

如慈父

哀公十六年

齊侯戲南蒯為叛夫

昭公十四年

成季手文

而名友

閔公二年

唐叔天命以為虞

昭公元年

庸人囚于揚窻三

宿而逸

文公十六年

晉國殺于秦謀六日而蘇

宣公八年

楚能官

人襄公十五年

晉為盟主

成公三年

楚鍾儀言稱先職

成公九年

王子

顏樂及徧舞

莊公二十年

穆子禍起豎牛

昭公四年

羊舌釁生叔

虎襄公二十一年禮以事主陳桓子始大于齊

莊公二十二年

德以諫

君臧孫達有後于魯

桓公二年

子臧守節

成公十五年

萇弘違天

定公天奪趙同之魄

宣公十五年

神賜虢公之田

莊公三十二年

鄭

鑄鼎兮叔向諫矣

昭公六年

晉重幣兮子產譏焉

襄公二十四年

魏

絳簡授于僕人蓋通晉悼

襄公三年

子家書憑于執訊用告

趙宣

文公十七年

右屬橐鞬

僖公二十三年

左執鞭弭

同上

趙武事不

再令哀公十年闔廬食不二味

哀公元年

歸父壇帷而復命

宣公十八年

年芋尹卬而將事

哀公十五年

楚王執鞭以出

昭公十五年

子

產乘遽而至

昭公二年

趙文子薄幣而重禮撫彼諸侯

襄公二十二年

五年晉平公改服以修官加于羣吏

襄公十六年

坐而假寐

宣公六年

二年行無越思

襄公二十五年

叔弓辭致館之禮

昭公二年

宋人修折

俎之儀

襄公二十七年

晉侯勞于楚使

昭公六年

展喜犒於齊師

僖公二十七年

二十六年 游吉送少姜之葬

昭公三年

楚人求襄老之尸

成公二年 齊

莊公通于姜氏

襄公二年十五年

楚巫臣聘于夏姬

成公二年

晉戮叔

魚三數惡而無隱

昭公十四年

吳煩子重七奔命以尤罷

成公

七年 萊駒失戈

文公二年

齊侯喪屨

莊公八年

齊之賂也既以其宗

器樂器

襄公二十五年

周之賜也復用乎大輅戎輅

僖公二十八年

宗

三族而無害

哀公二十六年

楚二卿之相惡

成公十六年

季札逢子

產如舊識各以觀賢

襄公二十九年

叔向見然明若故知悉因

言遇

昭公二十八年

包胥逃賞

定公五年

鄭忽辭昏

桓公六年

季孫之還

魯也由叔鮒之誘

昭公十年

伍舉之反楚也因聲子之言

襄公二十六年

壽餘履士會之足

文公十年

狄人歸先軫之元

三十年爭鬪雞而平子怒

昭公二十五年

逐瘞狗而華臣奔

襄公十七年

年子產壞其館垣清辭克敏

襄公三十一年

叔孫葺其牆屋峻

節彌敦

昭公二十三年

楚立夏州

宣公十年

魯築郎囿

昭公九年

管夷

吾讓不忘上

僖公二十年

韓宣子辭不失舊

襄公二十六年

楚王翠

被而豹舄

昭公十二年

右宰狐裘而羔袖

襄公十四年

魯取宋之

郟鼎雖切箴規

桓公二年

鄭賂晉之襄鍾但期存救

成公十年蜚

災已降

昭公二十年

螟害復興

隱公五年

陽氣微而不宜震電

隱公

九年寒雨過而乃有木冰

成公十六年

宋雨蝨兮禍焉可逭

文公

三年齊有彗兮妖莫能勝

昭公二十六年

秋水故無其麥苗誠傷

洪潦莊公七年淫雨尚妨于稼實蓋忌嚴凝

莊公十一年

宗魯斷

肱昭公二十年

張句折股

昭公二十一年

齊滅譚而譚無禮

莊公十年鄭

伐京而京不度隱公元年加木于子皙之尸

昭公二年樹檟于伍

員之墓哀公十一年

一乘葬于晉厲則非禮然

成公十八年

四翬

側于齊莊良由亂故

襄公二十五年

春秋作矣簡策昭然總一

百二十四國計二百四十二年滅國者五十二也弑君者四十一焉五十八戰爭之名有大有小三百十會盟之數何後何先異哉世絕哲王教墮儒術書歎鳳而大道已喪序獲麟而元經遂畢傷周道之不興嗟孔丘之告卒所以魯哀誄之曰嗚呼哀哉尼父無自律

狩麟賦

有序

元

楊維禎

獲麟之說諸家不同或謂秦西暉之瑞或謂漢受命之符或謂夫子將歿之徵或謂夫子經成之祥修母致子

之說蓋陋矣近代傳經者遂比于韶成之鳳夫以麟為應經而出是麟之靈也出而見獲靈何在焉故公羊以為異而杜氏謂春秋感麟而作經因以為終其理為長吾夫子固嘗歎鳳鳥不至蓋歎道之窮而帝王之瑞不出也大野之麟胡為乎來哉因獵而獲則是麟混於羣獸而為虞人之所擒耳獲之云者悼之之辭也悼之者悼其出非時而為虞人之所擒也故聖人感之作春秋絕筆於獲麟之句所感而作因以為終故獲麟後二歲

而孔子卒矣何瑞之足云乎王通氏謂以天道終者即此意也故今亦不能外是說而為賦

昔素王之作經也其感乎麟之瑞乎且天之未喪斯文兮鳳鳥已不至也天之將喪斯文兮麟又胡為而出也吁嗟麟兮祥乎異也吾聞元枵之精首四之靈抱至仁之性拔不類之形心兮好生趾兮不踞角兮不觸頭兮不抵音純美兮協律呂步周旋兮中規矩出惟應期兮居必擇所不犯獲宥兮不罹網罟稽之在古或遊於苑

或爭於囿或出於郊或在於藪匪家所蓄不世而有仁
主在位靈獸來擾繫王風之下降彼潛形其已久嗟嗟
玄聖哀姬紂麟負一角而困世蹇蹇躡於風塵削迹于
衛兮伐木于宋接淅於齊兮絕糧於陳雉龜不出兮儀
鳥不至周公無夢兮亞聖殞身驗天道兮如彼察人事
兮如此道不行兮吾其已矣仁哉麟哉胡為來哉生不
逢聖虛其應出非其時失其歸西狩之獲世所疑反袂
拭面涕沾衣春秋制作亶在茲彼以為底文成之祥兮

何見踣於鉏耨也以為悼將歿之徵兮豈樂天之稱聖也聖達乎其位兮麟實瑞乎后皇聖出非其時兮麟遂異乎素王彼大野之所獲兮又何異夫犬羊許曰時之治麟為瑞吁嗟麟兮時之否麟為異吁嗟麟兮為春秋之所起為春秋之所止吁嗟麟兮

御定歷代賦彙卷六十一

謹案第四頁後三行唐分姑洗刊本姑訛沾據左
傳改

第十一頁前五行武有孟津之誓刊本武訛楚據
左傳改

第十三頁後八行晉文公受戎輅之服刊本輅訛
賂據左傳改

第十四頁後五行卻克分謗刊本克訛至據左傳
改

第二十一頁前六行當晉侯克楚之年刊本年訛
言今改


第三十頁前八行鄆師紇宵犯齊師刊本鄆訛聊
據左傳改

第三十三頁後一行韓宣子觀于魯書刊本宣子
訛子宣今改

第三十八頁後六行晉平公改服以修官刊本平
訛文據左傳改

第四十頁前四行宗魯斷肱刊本宗訛宋據左傳
改





總校官庶吉士臣張能照

校對官庶吉士臣章宗瀛

謄錄監生臣江潮

欽定四庫全書叢要

集部

御定歷代賦稟卷六十二
三

詳校官候補通政經歷臣郭祚熾

欽定四庫全書薈要卷一萬七千二百八十一

集部

御定歷代賦彙卷六十二

文學

文賦 有序

晉陸機

惟
餘
每觀才士之所作竊有以得其用心夫其放言遣辭

良多變矣妍蚩好惡可得而言每自屬文尤見其情恒
患意不稱物文不逮意蓋非知之難能之難也故作文
賦以述先士之盛藻因論作文之利害所由他日殆可

謂曲盡其妙至於操斧伐柯雖取則不遠若夫隨手之
變良難以辭逮蓋所能言者具於此云爾

佇中區以玄覽頤情志於典墳遵四時以歎逝瞻萬物
而思紛悲落葉於勁秋嘉柔條於芳春心慄慄以懷霜
志眇眇而臨雲詠世德之駿烈誦先人之清芬游文章
之林府嘉麗藻之彬彬慨投篇而援筆聊宣之乎斯文
其始也皆收視反聽耽思傍訊精驚八極心游萬仞其
致也情瞳矐而彌鮮物昭晰而互進傾羣言之瀝液漱

六藝之芳潤浮天淵以安流濯下泉而潛浸於是沈辭
佛悅若游魚銜鈎而出重淵之深浮藻聯翩若翰鳥纓
綴而墜曾雲之峻收百世之闕文採千載之遺韻謝朝
華於已披啓夕秀於未振觀古今之須臾撫四海於一
瞬然後選義按部考辭就班抱景者咸叩懷響者畢彈
或因枝以振葉或沿波而討源或本隱以之顯或求易
而得難或虎變而獸擾或龍見而鳥瀾或妥帖而易施
或岵晤而不安罄澄心以凝思眇衆慮而為言籠天地

於形內挫萬物於筆端始躑躅於燥吻終流離於濡翰
理扶質以立幹文垂條而結繁信情貌之不差故每變
而在顏思涉樂其必笑方言哀而已歎或操觚以率爾
或含毫而邈然伊茲事之可樂固聖賢之所欽課虛無
以責有叩寂寞而求音函緜邈於尺素吐滂沛乎寸心
言恢之而彌廣思按之而愈深播芳蕤之馥馥發青條
之森森粲風飛而森豎鬱雲起乎翰林體有萬殊物無
一量紛紜揮霍形難爲狀辭程才以效伎意司契而爲

匠在有無而僂俛當淺深而不讓雖離方而遜員期窮形而盡相故夫誇目者尚奢愜心者貴當言窮者無隘論達者唯曠詩緣情而綺靡賦體物而瀏亮碑披文以相質誄纏綿而悽愴銘博約而溫潤箴頓挫而清壯頌優游以彬蔚論精微而朗暢奏平徹以閑雅說煒煜而譎誑雖區分之在茲亦禁邪而制放要辭達而理舉故無取乎冗長其為物也多姿其為體也屢遷其會意也尚巧其遣言也貴妍暨音聲之迭代若五色之相宣雖

逝止之無常固崎錡而難便苟達變而識次猶開流以
納泉如失機而後會恒操末以續顛謬玄黃之秩敘故
澶忍而不鮮或仰逼於先條或俯侵於後章或辭害而
理比或言順而義妨離之則雙美合之則兩傷考殿最
於錙銖定去留於毫芒苟銓衡之所裁固應繩其必當
或文繁理富而意不指適極無兩致盡不可益立片言
而居要迺一篇之警策雖衆辭之有條必待茲而效績
亮功多而累寡故取足而不易或藻思綺合清麗芊眠

炳若緝繡悽若繁絃必所擬之不殊迺閣合乎曩篇雖
杼軸於予懷怵他人之我先苟傷廉而愆義亦雖愛而
必捐或苔發穎豎離衆絕致形不可逐響難為係塊孤
立而特峙非常音之所緯心牢落而無偶意徘徊而不
能掃石韞玉而山輝水懷珠而川媚彼榛楛之勿翦亦
蒙榮於集翠綴下里於白雪吾亦濟夫所偉或託言於
短韻對窮迹而孤興俯寂寞而無友仰寥廓而莫承譬
偏絃之獨張含清唱而靡應或寄辭於瘁音言徒靡而

弗華混妍蚩而成體累良質而為瑕象下管之偏疾故
雖應而不和或遺理以存異徒尋虛以逐微言寡情而
鮮愛辭浮漂而不歸猶絃么而徽急故雖和而不悲或
奔放以諧合務嘈噴而妖冶徒悅目而偶俗固聲高而
曲下寤防露與桑間又雖悲而不雅或清虛以婉約每
除煩而去濫闕太羹之遺味同朱絃之清汜雖一唱而
三歎固既雅而不艷若夫豐約之裁俯仰之形因宜適
變曲有微情或言拙而喻巧或理樸而辭輕或襲故而

彌新或沿濁而更清或覽之而必察或研之而後精譬
猶舞者赴節以投袂歌者應絃而遣聲是蓋輪扁所不
得言亦非華說之所能精普辭條與文律良余膺之所
服練世情之常尤識前修之所淑雖濬發於巧心或受
嗤於拙目彼瓊敷與玉藻若中原之有菽同橐籥之罔
窮與天地乎並育雖紛藹於此世嗟不盈於予掬患挈
瓶之屢空病昌言之難屬故蹠蹠於短韻放庸音以足
曲恒遺恨以終篇豈懷盈而自足懼蒙塵於叩缶顧取

笑乎鳴玉若夫應感之會通塞之紀來不可遏去不可
止藏若景滅行猶響起方天機之駿利夫何紛而不理
思風發於胷臆言泉流於脣齒紛葳蕤以馭還唯毫素
之所擬文徽徽以溢目音泠泠而盈耳及其六情底滯
志往神留兀若枯木豁若涸流攬營魂以探蹟頓精爽
於自求理翳翳而愈伏思軋軋其若抽是以或竭情而
多悔或率意而寡尤雖茲物之在我非余力之所勦故
時撫空懷而自惋吾未識夫開塞之所由伊茲文之為

用固衆理之所因恢萬里使無闕通億載而爲津俯貽
則於來葉仰觀象乎古人濟文武於將墜宣風聲於不
泯塗無遠而不彌理無微而不綸配霑潤於雲雨象變
化乎鬼神被金石而德廣流管絃而日新

賦賦

以賦有古詩
之風為韻

唐

白居易

賦者古詩之流也始草創於荀宋漸恢張於賈馬永生
乎水初變本於典墳青出於藍復增華於風雅而後諧
四聲祛八病信斯文之美者我國家恐文道寢衰頌聲

陵遲乃舉多士命有司酌遺風於三代明變雅於一時
全取其名則號之為賦雜用其體亦不違乎詩四始盡
在六藝無遺是謂藝文之警策述作之元龜觀夫義類
錯綜詞彩分布文諧宮律言中章句華而不豔美而有
度雅音瀏亮必先體物以成章逸思飄颻不獨登高而
能賦其工者究精微窮旨趣何慙兩京於班固其妙者
抽秘思騁妍詞豈謝三都於左思掩黃絹之麗藻吐白
鳳之竒姿振金聲於寰海增紙價於京師則長揚羽獵

之徒胡可比也景福靈光之作未足多之所謂立意為
先能文為主炳如績素鏗若鐘鼓郁郁哉溢目之黼黻
洋洋乎盈耳之韶武信可以凌轢風騷超逸今古者也
今吾君網羅六藝澄汰九流微才無忽片善是求況賦
者雅之列頌之儔可以潤色鴻業可以發揮皇猷客有
自謂握靈蛇之珠者豈斯文而不收

詠賦

宋王微

蔓馳年之騷思黹徂夜之悵憂念怳惘以淪忽心震憺

而旁流坐生悲其何愈徒空詠以自憫夫詠之為情也
悵望兮若分江晶素厓翔揚兮濫行雲再清離浩宕弘
以廣度紛收息而淹儀既御聲以跼制又繫韻而發羈
青塗鬱兮春采香秋色陰兮白露商謹鳥翔兮山光開
長霞流布兮林氣哀於時也深衷美緒孤響端音屬素
排滿吐致施英嘈肆懷以鴻暢慘輟意而相迎馮幽圖
以藉怨咀高華而寄聲體閒怡而都靡心遊任而妹明
濯陵竒而燾志舒容綺以昭情占風立候睨天發暉精

慮方蕩中置忘歸慨矣拙歎默焉析機鍾石埋琬琴瑟
林帷重瀏愴以徐吟若變宮而下徵首廉麗以輕榮終
溫愛而調理歷貞璇以弘觀留雅恨其誰止爾乃承芳
遺則度律聞韶回白雲以金讚戾秋月而玉寥臨洪流
以浩汗履薄冰而心憔悴君子之嚴秀鏡淑人之靈昭
日月會兮爭鶩朝夕見兮元塗楹華兮開表窅壇兮橫
蕪龍義驛兮終不昭松延蔭兮意沈虛歡陽臺兮迅飛
路闕陰惇兮空長居去矣回復參陀榮身四修匪聊亂

而剽越空含喁而動神亂曰簡情撰至振元和兮神宮
妙意賞山波兮夏兮積軒非徒歌兮致命遂志寶中阿
兮

擲地金聲賦

以辭賦高亮可
振金聲爲韻

唐

王起

文含逸韻金有英聲苟操觚而盡妙同擲地而若驚五
色相宣諒卷懷而得其瓌麗三品作貢叶攘腕而發其
鏗錚信一言之炫燿爲百代之光榮當其孫氏能文天
台作賦眇眇神邁悠悠精驚發翠屏之藻思揆赤城之

麗句既窮嵩嶽之標復得華池之趣清韻秀出芳名獨
步飄飄凌雲之氣捧而必觀鈴鈴振策之聲擲之可喻
亦既成止居然衆欽乃顧良友大誇詞林以爲其文蔚
其旨深傳乎人間已見斐然之麗擲諸地表必聞鏗爾
之音郁郁眩目鏘鏘動心豈比夫荆山抱玉披沙之金
則知雜懷寶於衆夥惟金聲兮則可炫黼黻於英髦競
文律以相高苟取譬於擊地必先託於含毫匪誇詡以
自侈實麗則而不唯觀瓌璋之變態想熒煌之獻狀聆

之於耳疑委地而鏗鏘度之以心在體物而瀏亮金之
為寶也可以受礪文之喻金也存乎屬辭披彼丹心始
叩音於寂寞臨乎素手同擲光而陸離其價莫並其言
可推經喻滿籟是則然矣字比懸市無以尚之別有書
圃斯追文房是循慕綺靡之一擲思金聲之載振所以
興詠於上才而思齊於後進

六藝賦

以移風易俗安
上理人為韻

唐

封希顏

散琴書以吟想多六藝之為儀禮緣情而損益樂與道

而推移數方窮於大衍射不貴於主皮書斷決以象夬
御周行而取隨則廢一而不可猶五材之並施且夫禮
者含七曜均兩儀順之則安違之則危故君當廣敬臣
亦盡規不害物以利己每謙尊而守卑況復冕旒十二
駱馬千羈會同侯伯享獻神祇者焉人無定樂有曲扣
羽增智聞商寡欲必除怙懣之音使優柔以自足然後
美教化成風俗魯不納於齊人戎辭遺於秦穆太史之
職推步萬端或分或至一暑一寒趣乾坤之取舍知運

命之艱難亦有弘羊心計小道可觀使人利國下給上
安若乃墨妙之場書淫之客轉注別態圓方自適萬仞
崩雲千巖落石垂露霑於絳綺飛花散於竹帛觀夫始
用契以代繩未有紙而作策何樸畧之難同爲智巧之
所易也大射之禮先王是崇侯以示其所服正無言而
審同飲少算於多奠或在澤而在宮天子用騶虞之節
諸侯歌貍首之風將以合雅投頌褒德進功敢不慎其
所舉取制於中恐前功之相棄故少息而未窮良馬四

之分鑣用壯平心正體自下奉上周諏則瑤水遐通虞
巡則蒼梧可望不遠千里惟君所向寧止過遠前驅逐
禽左廣願終功於造父不見遺於師曠繫彼庶藝孰與
之倫園棊好殺夾食無親祈年設漢左道亡秦今我守
則以禮動輒隨人爲百工之恒式同六律之相循於戲
聞先達之格言才難得而具美伊小人其何執於夫子
有餘力以學文恐代匠而傷理屬天地之交泰忝侯藩
之貢士儻片善而必收敢長鳴於知己

書同文賦

以王化大同書
文混一為韻

唐

王

起

巍巍乎我皇之宅也寰海無氛書契同文宣於小學成
彼大勲六藝殊塗考為篆之古史萬邦同德知結繩之
聖君於時四方有謚九區如一二教翼宣儒風洋溢或
簡牒而異制或草隸而殊質莫不採撫其文錯綜其術
由是日月所燭舟車所通布八體而成若合六書而大
同垂露成規既由近而及遠崩雲殊象亦自西而徂東
流離翰墨之場輝映詩書之間或蟲形而惟錯或鳥跡

以相混三墳八索何患乎闕疑二首六身或因而知遠
況其名臣染翰行子寓書昌言非同而不達遙思非同
而不據敷奏或垂自無驚於問馬遐邇不壅固有樂於
烹魚為學則字執藝無詐文加點而何有書盡言而是
藉或筆或削決百事之紛拏如絲如綸宣一人之教化
則知同文之義大道惟昌合我人則覃於鬼方匪來規
於率土將作範於後王巧者莫能革其故暴者無能易
其常則帝羲龍圖寧務其八卦史籀蟲篆徒列於三蒼

故宜飛聲後代布德無外銘鐘鼎而勒休施竹帛而圖
大逸少之能攸著伯英之妙咸賴信乎觀彼人文而樂
我平泰

科斗文字賦

元張玉相

鴻靈幽紛寥廓無聞氣機渾淪塊圯無垠迨夫清濁凝
玄黃分龍飛章而結綺鳳交彩而騰文英英粲爛空翔
蜚雲玉枝縱橫齊榮敷芬於斯時也孰爲錯書孰爲典
墳有聖繼立知超乎羣仰觀俯察聿宣人文默啓天祕

象形而作爰著簡編心妙制約蒼靈夜震柔祇晝愕音
協義立非假非鑿啓蹟聳昭冥漠如星辰之經緯如圖
書之參錯故雖科斗之名而實蝌蚪之形首粗而銳尾
纖而輕體宏內密亦負而成歷落蟲綴參差鴈行堯舜
之道假此以著帝王之治由茲而傳授受心法可發幽
蹟紀載事實可垂萬年可倣可錄可刊可鐫岐者如股
屬者如聯鎮者如錘下者如懸曲而非虯繁而非虻勁
而欲蠆活而欲螺雖擬乎物亦象乎天雖簡而古亦秀

而妍然後知聖人之制作深有功於世教彼赤文綠字
何足比其萬分奈何樸散淳漓世遷時易方音隨訛字
畫非式或更於史臣之手或譯於大行人之職委曲兮
修蛇隱約兮鳥跡迨習熟之既純有古人之不識孰知
天之未喪斯文兮猶幸遺於孔壁維開端肇始之偉功
曠萬古而一日嗚呼守太玄者素高奇字觀舞劍者或
得學書雖變化之叵測竟科斗之何如此吾觀蒼頡篇
之文而歎作者之聖功與天地同符也

科斗文字賦

元 馮翼翁

若有客兮泛靈槎憩銀渚倚桂樹而秋吟聆蟾兔之夜
語聳載籍之前聞獨商畧夫上古誇斯文之偉績序中
山之舊譜老蟾捧腹而笑却足彷徨曰世徒陋井蛙之
見小而不知禿穎之善忘獨不聞之孔壁之舊藏乎在
昔龍宮乍紀繩結未舒蚩蚩者氓若蟲若魚惟創物之
妙思必有觸於外物譬馬圖之未呈心已藏於三畫感
科斗之文字寓大巧於若拙觀其模形接腋倣象持頤

首昂休甃之影尾露蹶泥之錐跳梁爬沙之異狀未覺
鳥跡之獨奇包六體於未形貫羣音之殊譯哭鬼魅兮
中宵煥人文兮白日彼冰斯之齧穀曾何足以萬一三
五繼作典謨代增殺青事簡懷削民淳自用代夫結繩
遂刑刻於寸鐵誠有利於天下磨頂踵而未歇下逮周
宣未之改作堂堂軒頡時相唯諾垂斯文於無窮幸洙
泗之有託豈獨紀於百篇亦與聞於筆削糝糊癥胝詰
曲跟肘跨焚坑而獨躍傲蟬蠹而不朽發奇光於敗壁

貫廣寒而當中昭六籍於萬世譬日月之行空若是果
誰之功耶俗漓事冗時異事殊大篆程巧八體異模疲
衡石於日晏勞案牘於吏胥徒汗牛而充棟資異端之
多書春蚓秋蛇之隨意鶴頭蠹尾之爭姝南山之竹湮
未已徂來之松墨無餘滋奸偽之日長曾莫返於古初
若是者雖禿千兔而可勝誅乎於是老兔默然露寒月
白客獨俯視乎同文仰攀乎仙籍愧雕蟲之拙學曾莫
裨於典籍但願六經之行世又何必懷科斗於孔壁

石鼓賦

元羅曾

予盍觀夫鳳翔八觀之一乎岐山蒼蒼西周故疆昔人
伊誰內修外攘予嘗訪遺蹤於岐下得故物於榛荒曰
莓龍剝落雨墨淋漓者秦嶧山之碑乎細筋入骨玉樹
交柯者漢原廣之彛乎章殘字缺讀不能句快劍斫斷
生蛟鼉非秦人詛楚人之辭蓋揚修不能語其妙而子
雲不能識其竒也於是摩挲徙倚沈吟久之然後喟然
歎曰我馬旣同者車攻之徂東也其魚魴鯊者吉日之

燕喜也彼頑然者不可扣之鳴兮吾知其為宣王之石
鼓也方其明堂受朝岐邑講蒐萬里無塵四海一秋天
戈麾日凝雲不流勒駿功於石鼓將永鎮於岐周異銅
仙之可移空迴首於萬牛嗟惟此石俛仰千古橫奇寶
於道側微博雅其誰顧或龍騰而水躍或鸞下而鳳翥
雖字體不可知其誰之筆兮意作誦必當時之吉甫曾
編詩之不見收兮亦何恨無人乎李杜於是慨然援筆
磨蒼崖之壁泚秋空之露取昌黎慨歎之歌而作石鼓

之賦

石鼓賦

有序

元周伯溫

予嘗考古石刻而岐陽石鼓為第一每讀韋韓蘓三君子之歌心蓋奇之訪諸士大夫具在京師欲往一觀而無由也皇上踐祚之始年有詔置石鼓太學遂列於宣聖廟之兩塾尊之也明年改元皇慶余列國子生撫玩之獲償所願夫以三代遺物置庠序中盛典也韓詩有云聖恩若許留太學諸生講解得切磋蓋欲而不得故

冀之於乎韓公不得見於昔時而吾輩得見於今日何
幸如之輒爲賦曰

周有石鼓今在辟雍列橋門而甲乙相輝映於西東紛
質理之泐蝕偉形制之穹崇有文秩秩有詞澗澗法皇
頡之妙畫續小雅之變風蔚兮九天之儀鳳蜿兮六合
之神龍欣獸魚之物庶嘉車馬之攻同歷歷兮瓊株森
竦於玄圃依依兮神雲隱見於蒼穹嗟追琢之渾厚或
制作於天工於赫宣王弘振頽綱四國既遂百職既張

睽茲農暇載飾戎行踵武前人蒐於岐陽史籀才藝當時俊良播於聲詩勒之琳瑯其形之不一者因樸質之自然其數盡於十者表治極而功揚在戰國暴秦而韜晦者抑貞介遠其汗辱歷兩漢六朝而不泯沒者必神物為之護防歲紀茫茫顯於李唐韋韓歌之藹其有芳迄宋宣和斯遷於梁金人襲沒遂歸朔方維天子之龍飛煜文運之日昌誕降德音輦登上庠文石重藉周衛兩旁六經彙訓因時表章大比曠典同日舉揚遐邇縱

觀陳迹復彰嗟夫九州之鼎已沈淪而不可得岫嶽之石又漫滅而不復有惟斯文為至寶實終古之罕偶惜摭撫之有遺不見稱於魯叟何人之蚩蚩窪一為白質損文存庸詔永久後乎此者豈無祖龍之頌功茂陵之封禪亦皆埋仆於榛莽雖萬一之或傳適足以著其君之無取然則石鼓之周流於世者天非徒壽之蓋以寄古文於不朽也乃作詩曰刻石鼓兮周賢王置之學兮自我皇紛胄子兮樂未央日詠歌兮揚揚維大道兮無

疆齊地久兮天長維斯鼓兮作配勿壞兮勿傷保億齡
兮於耿光

石鼓賦

元 李丙奎

偉周宣之中興鐫石鼓而勒成煩鬼神之守護復遇元
和之太平邈所來之何從實韓門之張生愚嘗玩其辭
考其義義雖密而辭嚴與車攻而同意惟字體之瑰奇
非科斗而非隸所恨者雨淋日炙之既久而其中可辨
如邀之為我僅百中之一二其幸存而未泯宜退之以

之鋪張眩耀於當世謂刪詩無西行之迹使至寶為道
傍之棄言有大而實夸遂有以來歐陽子之議安知棄
之者非三百篇之刪餘又安知為之者非出於後來之
好事

惜分陰賦

以光景難駐賢
哲無怠為韻

唐
蔣防

君子自強惜分陰於短刻期碩學於縑緗念冉冉之特
移非徒愛景惜依依之為戀足冀迴光每正中而圭表
常懼減於毫芒事且異於秉燭理寧同於息影崇樹在

乎功名淹速繼於時景苟不競夫分寸亦何期乎悠永
三冬未就實有念於錙銖九仞將成顧無虧於俄頃當
其南軒向晝北戶初寒微照悠揚而漸短斜暉晚晚而
將殘分以惜焉豈少私而寡慾時之至也諒失易而得
難及其躔次當留光華未暮宜草草以不息希矐矐而
常駐出處無瑕故垂法於前賢往來不遑見遺履之莫
顧既目擊而眷眷亦心想而專專況志業之難就當清
陰之屢遷莫不以日繫月以時繫年是宜向微妙而重

矣何得在斯須而舍旃不然夏后何以為聖陶公曷足
稱賢於焉激切仰茲先哲彼分晷而莫駐此寸陰而靡
輟不食不寢載勉於勞者之心以遨以遊誠乖乎志士
之節皎皎白駒若有若無雖長繩莫得繫於桑野長戈
不能却彼泉隅今則曖昧斯在瞬息不改宜乎陋韞石
之騰輝輕尺璧之殊彩庶立功而立事故不憊而不怠

大禹惜寸陰賦

元陳櫟

昔者聞之乾道行健一息萬里君子法乾自強不已自

古列聖罔有不勤兢兢舜業業所以為聖人舜之稱
禹以克勤於邦耳克勤於邦之實尚且惜乎寸陰惟聖
希天固自強以法行健之運惟賢希聖所以有惜乎分
陰之心賢哉陶侃孳孳不息以勤自勵朝暮運甓俯視
寸陰之移實有同於尺璧紛紛學者不知自惜惜青春
之不再忍悠悠度夫白日嗟夫視寸陰而猶競此聖人
之所以益聖等光陰之隙駒此愚人之所以益愚

讀祕閣藏書賦

有序

明

史繼偕

執徐之歲厥月維皋主上弘作人之略開材館而延賢
人愚以蠖螾與寄跡焉朝夕金馬之門翱翔石渠之署
其於神經祕籍雖未及盡探竅奧而偶涉津涯則歎為
烈祖敦古右文若是渥也章逢下士不睹瑰瑋殊觀繡
輓詞人不究崇竝實用作斯賦以明之其詞曰

九區咸九鼎奠帝圖宣皇文煽鴻略張祕閣建經始於
中和之極裁基於景緯之嚴傍紫宸而雲構度丹砌而
星躔負朝陽以南向擅邃密於東偏峻級周垣重宇層

軒雕玉碾以居楹裁金碧以飾璫曳紅采之煜煒紛翠

氣乎飛颺齊雲落星方之掩其璀璨麗譙井幹遇焉失

其焜煌帝乃發天苞闡地符搜汲冢之祕牒萃孔壁之

遺書茂先累乘惠施五車繫縹囊與錦軸間琬琰及璠

璣藹芸香之郁馥爛繽紛乎卷舒巧厯不能窮其數隸

首不能擬其餘遠而望之如榮光萬丈鬱起而通霄漢

迫而察之若清都乍啓幃幌而列居諸於是司之以元

老寄之以重臣開翹材之上館集卓犖之儒英服藻垂

帶冕弁振纓雍乎鳳鹿之倫在囿翼乎鷓鷯之列充庭
乃隱詞叢汎義漲咀藝脯酒談釀出入二酉之中馳驟
千年之上若夫河龍孕乎畫卦洛龜載乎敘疇玉版金
鏤之寶丹文綠冊之幽遡三墳與五典粵八索而九丘
仰煥矣其有唐頰郁乎其成周吾觀夫元首載賡發吟
咏之志黼黻作服垂敷奏之謀歌九敘之時若戒三風
之綢繆昌申繇而隱約旦緝頌而多猷迨素王之有作
羌掩乎前修既虎變而龍吟亦金相而玉琢木舌宣而

千里應席珍流而萬世燭寫扶輿之輝光曉初烝之耳

目觀天文以極變察人文而成俗莫不條貫森羅網維
脈絡下逮立言之彥著述之良曾思膺儒以罄折柱漆
述道以翱翔禹墨循儉確之教申韓課名實之章馬班
范荀揚省於事辭之囿闕閩濂洛雅步於性命之場雖
各開乎戶牖總蒐括之不忘更有奎章宸翰寶錄瑤箋
聖政之紀大誥之篇揭諸司之堂職榜民庶而敷宣禮
樂明而天澤位刑律設而雪霜嚴闡心學之祕旨括理

性之純全及羣聖之繼作各鳳翥以龍騫信員規之麗
藻而不徒跼躅於言詮者矣當是時也潤假金壺光分
藜杖混沌啓朗須彌搖蕩離朱心照翰倅意匠始而博
窺若沈淵之網彌山之置弋鵬翔鱉樞摘天斗探珊
瑚少而沈思兀乎若枯杖之蜩甲進綸絲於月窟霏霏
兮忽忽乎若出兮若沒終而灌然悟豁然瑩若春水夜
生波漲玄冥而蒙衝巨艦沛乎鴻毛之輕於以研天下
之幾探天下之蹟斷天下之疑剖天下之惑絳灌於焉

而辭勞頗翦於焉而羞業趙李於焉而輿皂猗僎於焉
而丐乞振亭亭兮獨秀垂絲絲兮不絕故神理敷而消
頑鄙文化設而靖遐荒黃姚姬妣不違顏於咫尺咎繇
伊望共接手於廟堂奚徒襲右文之虛跡而竊稽古之
餘芳若夫斲輪嘲扁亡羊誚臧孫懸梁而閉戶匡鑿壁
而引光密韜蒲而牛乘肩向夜而螢囊炫雕蟲之末技
昧掣鯨之大方吾誠不能與數子並故曠然獨觀於斯
閣之所藏

讀祕閣藏書賦

明
翁正春

一元渾敦兮萬有亭毒龜圖呈祕兮龍鬼夜哭昏神光
兮集鳥粟繩不奇兮書契出字之收兮餘一萬二千韻
之總兮約三百有六諸史磅礴六籍輻輳巧歷有所不
能窮隸首有所不能目慨文運之中微罹祖龍之回祿
以故大酉含其靈小酉藏其馥遺經漸行散帙罔伏況
歷代之表章故祕書亦稍稍其復繫皇明之啓祚兮值
世道之亨嘉崇文教以作人兮囿六合為一家搜孔壁

之餘燼兮掇藝圃之奇葩徵宿儒於巖穴兮命纂摩而
訂研文移科斗之質兮字校魯魚之差既繕寫以成書
慮貯藏之湫濕創冊府於西崑闢芸臺於東壁重簷迴
廊左坪右城綺疏輝煌櫺檻欒木天營而閱敞兮圖
畫聚而充閭闡經史與子集兮咸什襲以無餘景龍四
庫惠施五車包羅千古紺闈羣書鉛槧披而日映牙籤
潤而露濡匪誇豔於結綺實參富於石渠羌斯地之深
嚴兮豈章逢之敢望肆小子之蒙賸兮陟祕居之幽曠

愧館職之濫竽兮徒大官之坐餉感遭逢之鮮覲兮敢
蹉跎而孟浪於是遨遊清署偃息玉堂嘉古訓之有獲
鑒不學而面牆俯流光兮若駛期黽勉兮皇皇況夫瀛
洲春暖太液波光鶯聲睨睨蝶影徜徉蘭猗猗其逞秀
蓮冉冉以含香當斯時也余幸翰苑晴暉詞林清暇寓
目兮李邕之樓騁心兮鄴侯之架譬猶扱衽而登鍾山
藍田之頂兮璠璵之珍在前惟介而守教庾海陵之倉
兮山坻之積如稼既神炫乎巨麗復心懾而衡盱垂絳

帳而隱几被紈素以喁喁抑揚嘈噴或疾或徐沈潛涵

泳亦卷亦舒漱芳潤於六經兮擴緒餘於諸子咀英華

於七略兮鏡興亂於列史考昭代之文獻兮思憲章於

億禩晝惜陰以伊吾兮夜焚膏以繼晷枕藉墳典舖醞

風騷與與容容遂陶陶說者謂躡雲之蹄不辱槽棧

垂天之翼不挂網羅尺寸繩槩之末楮公墨老之曹皆

古人之陳迹而輪扁之所粕糟又烏信其自免於管蠡

而自脫於環絛奚自苦而嗷嗷豈知紀載雖麤奧義停

蓄往哲遺言後人芳躅理無微而不該善無細而不錄
況值聖主之右文加以明師之誨育即上智猶孳孳矧
余材之樸樾余將以吟以咏載玩載讀導文竅批理窟
資之以黼黻皇猷豈徒章句之是束憶昔董子搜奇兮
下帷幌孟堅運思兮入毫芒司馬命意兮名山藏邊生
經笥兮分天章是皆涉中扃窺窻堂足以恢帝紀振王
綱余誠不敢與數子並竊有志焉敢謙讓乎未遑辭曰
於皇我后文治蔚兮棧樸作人髦士萃兮天祿宏開臚

若邃兮披圖尊經闡靈祕兮儲養英雋覃嘉惠兮鯁生
何幸隆簡畀兮佔俾勉旃期適治兮羽翼斯文永弗墜
兮

讀祕閣藏書賦

明 張同德

繫皇明之建極擁圖錄以作君啓先王之冊府迺稽古
而右文訪懿軌於丘索蒐微言於典墳聚六經之芳潤
糾百氏之清芬邈書契以來茲盡述作之紛紜漢武之
所不及表章淮南之所未嘗見聞極宇宙之巨麗觀古

今於夕昕於是考類就班選義按部文移科斗之質字
別魯魚之誤標錦軸之輝煌飾牙籤而分布收千載之
祕藏為一代之藻黼陋華牘之十重隘景龍之四庫念
所寶之惟書慮燥濕之相薄闢藝圃於西崑創連雲之
畫閣左坪右城虹棟刻楠丹楹炫爛銀榜灼爍同石渠
之藻富豈結綺之盤樂累累鉛槧映交疏紅日以焜煌
苾苾芸香拂樞檻微風而散落於是皇網恢帝絃張咨
四岳遵明揚舉側陋列庶常徵能旌藝率彼舊章是以

操觚之士咸受簡以就列清華之地盡寓目於縹緗朝
馳思於東觀夕遊息乎玉堂嘉古訓之有獲兮鑒不學
而面墻歎辰去之太速兮敢坐頽乎景光肆上聖而韋
編三絕兮尼父日惟皇皇彼大賢而載書盈車兮墨翟
之所垂方舒不窺園圃兮發天人之祕藏固負笈遠遊
兮究墳籍之沈洋邕願直秘閣兮肩繼日於螢囊向校
書於天祿兮泌握卷以就光遐睇往哲好學不倦嗟余
後覺欽彼懿範承聖主之嘉惠日翱翔於秘苑進稟訓

於明師退資益於羣彥陰佳木之從龍聽好鳥之睨睨
對瀛洲之蕭森俯方塘之潏濫寄閒情於簡帙觀圖書
之璀璨尋先民之墜緒考當代之文獻咀風騷於七略
破圖史於萬卷手不停披口不絕吟夜焚膏油晝惜分
陰事必挈要言必會心枕籍藝藪弋志書林覽九流於
竹素瞰萬寶之琰琳將假經術以經世豈徒糟粕之是
尋於斯時也人間晝靜時和景明蟬聲抱樹草色連楹
閉閣玄覽發憤遺經舖藻餽籍志澹神清怡心尚友之

路銳志著作之林因乃為之歌歌曰穆穆清廟懿教陳
兮披圖尊經統聖真兮登良簡俊佐文明兮樸棧作人
譽髦成兮祕閣校讐備榮觀兮恭承嘉惠共勉旃兮顧
此清暇難再得兮緬彼先覺作我則兮

螢光照字賦

以能勵躬必
大成為韻

唐
楊弘貞

儒有貧居在陰志學無必思照字之物類得聚螢於心
術散點熠熠文彩之旁流開卷熒熒古今之洞出矐矐隱
映積小而成臨竹簡而增美歷銀鈎而轉明讀周室之

書每見日中之字覽龐涓之傳猶疑火照其營既有求
於時習奚勿用而宵行想夫交錯積中英華發外魚鳥
飛動鉛黃晻靄無心於處暗彌見精專取足於臨文豈
勞光大炫晃無窮心勤飭躬泛凝暉於垂露翻碎影於
雕蟲筆精之體無隱藻思之文有融既的鑠於六身之
上復浸淫於三豕之中則知雅善從宜功能自勵時當
炎燠嗟映雪而未期義涉穿窬忌偷光之失計是用聿
求昭質承乏華燈每揚之自此知照況燭之因以輝弘

斯作者所以警清士而體物俾無忘其所能

螢光照字賦

以能勵躬必
大成為韻

唐

趙蕃

丹鳥火熒臨書育明假蠢爾之微照俟終焉而有成由
是引素囊開縹帙文的皦而可見影循環而無必孤懸
虛牖依依而鳥跡初分迴隱薄帷幕幕而龜文乍出嘉
其炯若流耀煥乎發蒙瑩分寸而靡隔助舒卷而不窮
所以藉微索積輕躬隱映有餘寧虧武子之志熒煌如
貫爰明蒼頡之功臨墨池而珠還合浦映草翰而燎點

寒叢至若暗室方扃清宵未艾炫微質於幽邃閱羣言
於宵霽餘光不滅能溫故而知新疏彩乍臨為積小而
成大爾其杳杳皆徵歷歷可憑分白黑而為度隨編簡
而不恒初訝無煙潛凝化草之狀纔瞻吐耀暗分垂露
之能及夫皓若雲舒明如珠綴互離離而發色紛漠漠
而流睇是以象鈞深類冥契儻觀光之不昧庶微躬之
足勵

螢光照字賦

以能勵躬必
大成為韻

唐
蔣防

士有閱簡策尚專精恒俾夜而作畫每聚螢以襲明期

照燭於無隱俟沈研而有成縹帙時開玉篆共丹輝並
耀銀鈎下映繁星與片月俱生惟幌之際微明舒蔽或
熠熠以光吐復離離而珠綴俯而察煥乎呈科斗之文
靜而觀炯爾見雕蟲之藝諒依人以明道匪韜光以自
衛居暗室者懷我而載寢載興遇明時者假我而自強
自勵用或因物勤斯飭躬不晦乎風雨不翳乎昏蒙臨
墨池則珠還合浦映草聖則燎點寒叢誰謂向乎晦照

篇籍兮無小無大誰謂藏乎密隨晝夜兮無固無必金
輝始徹疑清露之騰文鳥跡旋分謂靈鳥之就日可以
窮永夕可以佐殘燈舍之則其功不足用之則其道彌
弘顧螢光之在照蓋欲罷而不能

鑿壁偷光賦

以將欲貪於麟
角之成為韻

唐 獨孤鉉

儒有聰明卓犖夙然先覺勿懷六蔽之嗤是切三冬之
學

原本闕
八字

無光穿屋如墉豈獨雀之有角且以蘭膏既

絕日月其將欲假明於他人之室方鑿竅於夫子之牆

乍引潛輝怯投珠之暗忽分圓影疑月出之光觀夫納
耀之初流輝乍舒獨見之明何得和光之義則如然後
傳之辨鳥遶以分魚諒匪偷人之所以固同闇者而求
於逗影未周將閱小明之什分輝竟劣難尋光大之書
於是舍之則止用之則行彼君子訝來風之穴矧吾儔
觀繼日之成誰謂我偷偷則不滅誰謂爾失失亦不驚
徒愛夫覽則無欺燭之有私文從曲照字逐圓窺守其
黑非吾徒也用其光若已有之始慙服闇之議不能牆

面終契襲明之旨或異管窺況乎貧則宜甘學也宜耽
韜爾光不違於誨盜開吾壁非涉於攘貪志也則勞自
知不足豈奪鑒微之見實假照鄰之燭等虛室之白寧
喪爾明喜衝孔之光已從吾欲然則能資於昧者可望
非親欲求於明者有恙無因達闇之心難固偷光之意
何新是可投庸功學捨彼求身故能才已徵於夢鳥道
非室於獲麟

斷織賦

唐

仲子陵

儒有學而未殖敏而多識庶幾立言無念進德當年以
倦中道而息余雖不知請喻斷織伊昔孟子受學輟然
如疲日忘其所志月忘其所知母也賢只教之勤斯拔
銛刃以一割應鳴梭而中隳且自賢亦自滿泥鈞成器
玉琢成瓚鄰於墓爾則有踴躍築埋之非近於鄆爾則
有嬉遊賈御之短是用居爾於學宮之舍納爾於經籍
之館期子衿之青青致履道之坦坦胡為乎不勤以學
惟事於散苟爾學之可停猶吾織之斯斷其貌既舒其

言又徐投杼悵爾操刀介如絲之傷一緯飄其無緒帛
之裂千經蕩其無餘前工後拙始密今踈牽挺為之中
止杼軸猶其一虛且以絲喻人以織喻學若金受礪如
木斯斲夫絲可以衆而不可以寡織可以勤而不可以
舍一絲所累以倍乎尋常一織所工而衣乎天下因茲
細故以及大者彼婦道之信然況君子之事也故形於
織女思其功移於學士念其終業暢於外美歸於中則
以顧綃之理弘素王之風我友我生無落無廢學若山

積心無蓬穢當求斷織之義若之何以自艾

文戰賦

以士之角文當
如戰敵為韻

唐林滋

為學之人會友以文念斯文之樞要無極將一戰而是
非可分索隱窮微既不憊於夫子解紛挫銳爰取譬於
將軍由是推匪石之心名如林之士六籍之奧斯究萬
夫之雄莫擬且曰戰也者所以分勝敗之端文也者所
以明盛衰之理必將抑浮偽考深旨措詞苟得於朝聞
游刃寧甘於夕死是用徵師於伐善之所命將於角勝

之場鷲視而鵝鶴斯列豹變而貌貅莫當利口從橫已
有摧堅之意雄姿踴躍那無露穎之囊得失未分切磋
斯見弛張既出於心術向背寧虞於色戰忠為甲而信
為曹豈憚重圍筆有陣而詞有鋒誠能萬變既區以別
矣乃則而象之拂緹裘作鼓聲之響卷絳紗為旌旆之
姿波駭九流苟再揚而盡委心攢百箭終一貫而無遺
乃考擊蒙諒無前敵決勝既返於三隅請命俄分於四
壁是以及門之子互騁其成功無勇之徒空悲於敗績

已而探討無餘詞林晏如九合之剛腸斯弭千里之秘
思潛舒深淺既分盡洗兵於學海姦回云革皆棄甲於
德車蓋以振此芳塵仰於先覺苟能立分於閭閻曷愧
坐籌於帷幄今則仗其信志其學幸從戰之有聞願無
慙於挫角

解議圍賦

以詞理精通釋
然自潰為韻

唐

浩虛舟

王子猷之延賓暇時偶切磋於經史遂交戰於言詞出
奇而彼力方壯向敵而吾矛莫持阻辯口而不通去來

都絕閉赤城之深固中外生疑既而謝婦側聆翠帷潛
至察攻討之餘勢知勝敗之有自情甲遂闢縱堂上之
奇兵靈府忽開出身中之利器是用自伐期乎不爭因
漁獵之近習得籌謀之至精縱吟嘯為鼓擊之雄倍增
其勇察顏色為風雲之候暗識其情然後以德而攻當
無向背迎心石以奔北望詞鋒而辭潰一來一往環回
於文苑之間或否或臧蹂躪於儒林之內已而容勢相
懸抵摧莫前擊觸而剛腸已折交侵而銳氣難全去不

可逃顧咽喉之絕矣敗無相救覺唇齒之茫然觀夫忠
甲不免德藩何益望風而堅勁不保挫氣而秉持盡釋
俄執訊於折角將擣師於重席驗運輸而經筭不窮察
苞裹而智囊猶積是以扞格斯闢書文必同逆無不服
滯無不通義櫓罷持倒載於德車之上仁寶悉獲橫行於
王道之中故得學海長清言讐不起百家咸湊其軌轍六
籍各分其疆理是使孤陋寡聞之徒永願服膺而已

御定歷代賦彙卷六十二